

張容菴校訂

羅昭諫文集

瑞榴堂本衙藏板

序

羅昭諫詩言中有響三百
篇後頗寓諷諫之意或者
以其語多平易而忽之要
之勝填詞豪艷而無當於



興感者什百矣况其精邃
自然處正復不讓唐之初
盛惜刻本不多見而新登
爲昭諫故里板亦不存今
邑侯容菴張公鳴琴之餘

訪公平昔讀書之所俯仰
憑弔因與邑之賢士大夫
及諸生購江東甲乙諸集
刪訛訂異而重鏤之以風
後賢曰此邑之前輩遺徽

如此也藉其言無所興感
早湮滅不傳矣然則士安
可不修辭砥行以自爲不
朽乎予獨謂今邑令以完
賦爲最考未暇訓士皇表

章前士之遺言以興起士
若張侯之用心可謂以
新登起新登合乎古人祭
鄉先生於社之意殆不僅
爲新登計一時也夫令一

羅州志卷之序
邑而不僅爲一邑之一時
計世將徧購其成績之書
而頌之予殆嘗鼎一臠於
昭諫之一集矣乎梓成命
序者爲邑人袁卓湄先

生所稱與侯同俯仰憑弔
之賢士夫也遂不敢以不
文辭而志其重梓之本末
如此

康熙九年秋月穀旦大理

東園寺寺丞錢唐戴京曾

敬識



重刻羅昭諫江東集叙
 唐末新城詩心羅隱昭諫世多傳
 其詼諧不羈之句將以自全於亂
 世也唐州童進士科讀昭諫贈靈
 英詩炎悲焉心傷之夫士遭遇末
 造即令如東楚昏鳳馬蹄亦已感

愴難讀而昭諫終身賤貧走糞通
客溷跡滑稽且自表見不亦悲乎
予故尚論其世而嘆不得志於嘗
者其所慕固如此矣蓋唐詩至昭
禧之際而細已甚若昭諫者其猶
膏蕩佚唱嘆之風歟予又讀其張

新声石烈士式記殊貧賤士發其
幽光也即詩或不盡產亦當爲此
流連不計而祝其詩之激楚不堪
多讀者甚於此者哉且昭諫則固
有心於天下出大者也遨遊吳楚
退而應錢王之召其高節奇氣有

可呂撼坐壘而砥江河者錢起臨
安與新城並壤昭諫每柱建徽皆
新城人所云曩壯武氣橫亘者此
也錢初授鎮海節度謝表頗言浙
西繁富昭諫曰此誅求之端也易
之唐廷臣讀至兵寒而麋鹿常遊

日莫而牛羊不下嘆嗚曰此必羅
隱筆嗚呼君是禱請譎諫之儻夫
何愧雲斯昔韓致光周杜諸公流
離中篇章傳播闕與越其有把案
感應者歟昭諫故彖恒東甲乙集
淮海寓言及諛言後集今多不傳

序三
而深幸此本出僅存也此本爲嘉
禾姚邦祥所較邦祥藏書頗富考
校文精而欲以秀才式字寫羅隱
蚤抑末已武定張容菴明府令新
城參四政事出餘留心觀雅購得
此本甚喜更加訂正將付梓也適

余客遊至舉以示予上因論其
舛容庵共讀竟則既輒然以喜而
又悽然且悲也

康熙歲次戊申九月溧陽吳穎序



重刻羅昭諫集跋言

鼂江之氣猶亘上至今昭回於


雲漢碧落間也以為果有所見

耶原非形象可擬議以為竟無

所見耶亦非形象可限量何也

氣固不麗乎形象而麗乎文章

氣然歲於為申秋凡氣易與露或
又對於日遊西
具言或共言
余言



事業而已羅昭諫唐以文章名
者也說者以其騰口取憎類詆
諧滑稽之所為似矣然嘗讀乞
收癸巳詔上宋招討書題蟠溪
請更表諸宏詞說論於以佐國
是而惠殘黎當時寔嘉賴之况

乎力勸武肅討梁垂諸史冊扶
植綱常者之尤堪不朽耶昭諫
固不僅以文章名而真以事業
著者也夫文章事業一日不泯
沒於天壤則此氣之絢爛政顯
顯未有艾碩遇有齊不齊耳倘

必曰羅杜出而青白不復見則
拘墟者之說也善乎我
侯之梓是集也殆欲以文章事
業作新其氣而嗣之徽乎不然
昭諫生唐之末造歷前代迄今
千有年所矣其間館銅章操風

雅者代豈乏人而直侯我
侯為之憑吊而敷揚焉且俾其
芳言傳頌奕禩於不窮焉事有
曠千百世而相感者予誠不知
其何心矣

康熙九年庚戌菊月蜀江後學

袁英謹跋



羅昭諫集目錄

序 二首

本傳

卷之一

賦

秋蟲吟 并序

五言古

空城雀

庭花

隴頭水

江夏酬高崇節

尋秦中富人

思歸行

七言古

酬丘光庭

江南行

巫山高

薛陽陶傭築歌

十病驄馬

長短句

芳樹

卷之二

五言律

效玉臺體

秋夕對月

輕飈

雪霽

春居

寒食日早出城東

秋晚

秋齋後

羅氏除夜

九江早秋

秋江

秋浦

陝西晚思

冬暮城西晚眺

南康道中

宿彭蠡館

早登新安縣樓

絕境

城西作

邊夜

舊遊

題方干詩

韋曲杜處士新居

早秋宿葉隨所居

題段太尉廟

秋日富春江行

昇仙橋

臺城

北固亭東望寄默師

封禪寺居

靈山寺

題真娘墓

蘇小小墓

遣興

傷華髮

旅夢

感舊

使者

彬江遷客

途中逢劉知遠

亂後逢友人

期徐道者不至

雪中懷友

思故人

秋日懷孟夷庚

秋日懷賈隨進士

寄陸龜蒙

居易定公乘億侍郎

寄制誥李舍人

秋日寄狄補闕

寄蘇拾遺

寄袁皓侍御

寄大理寺徐郎中

寄侯博士

寄徵士魏員外

寄禮部鄭員外

寄金吾李孫常侍

寄虔州薛大夫

寄剡縣主簿

秋寄張坤

寄許融

除夜寄張達

寄洪正師

秋居有寄

酬高崇節

送李右丞分司

送沈光侍御赴職闕中

商於驛與于蘊玉話別

哭張博士太常

鶯聲

燕

鷹

蝶

螢

菊

紅葉

詠錢

殘花

初秋寄友人

堠子

題玄同先生艸堂首三

茅齋

遁跡

倚櫂

五言排律

投宣武鄭尚書二十韻

投浙東王大夫二十韻

送汝州李中丞十二韻

闕題前有脫句

聖真觀劉真師院十韻

秋風生桂枝

投寄韋左丞

卷之三

七言律

春思

清明日曲江懷友

長安秋夜

閑居早秋

七夕

杜陵秋思

漢東秋思

感懷

所思

歸夢

自貽

下第作

丁亥歲作

春日投錢塘元帥尚父

暇日投錢尚父

病中上錢尚父

上鄂州韋尚書

途中獻鄭州孟中丞

臨川投穆中丞

鄭州獻盧舍人

出試後投所知

投所思

徐寇南逼感事獻江南知己

逼試投所知

贈滄先輩令狐補闕

贈夏州胡常侍

贈湖州裴郎中

贈盧從事

湘中贈范郎

和淮南李司空同轉運員外送韋士赴口

贈漁翁

和禪月大師見贈

廣陵秋日酬進士臧漬見寄

酬寄右司李員外

酬黃從事懷舊見寄

酬章處士見寄

秋日汴州客舍有酬

秋日酬張特立

縣齋秋晚酬友人朱瓚

答羅衮

賀淮南節度盧員外

裴庶子除太僕卿因賀

錢尚父生日

荀令生日

京口見李侍郎

孫員外赴闕

湘中見進士賈誦

錢塘見芮逢

魏城逢故人

送淮南司空朝覲

送蕭中丞赴闕

送光祿崔卿赴闕

為汴州相公從事

送盧端公歸臺

送陸郎中赴闕

送司勳李郎中赴闕

送工部盧員外赴任

送蘄州裴員外

送鄭州嚴員外

送朗州張員外

送王使君赴蘇臺

送內史周大夫自杭州朝貢

送溪州使君

送臧漬下第後歸池州

送沈光及第後東歸兼赴嘉禮

送秦州從事

送宣武徐巡官

送友人歸夷門

送裴饒歸會稽

送雲川鄭員外

重送前人

送姚安之赴任秋浦

送丁明府紫溪任

送宿州傅少府

途中送人東遊有寄

送張綰遊鍾陵

送人歸襄中兼寄舊知

送人赴職褒中

送臧漬下第謁竇鄴州

送顧雲下第

東歸別常修

撫州別阮兵曹

送程尊師之晉陵

送楊鍊師却歸真誥巖

送晉光太師

奉使宛陵別二三從事

感別元帥尚父

魏博羅令公附卷有回

感德敘懷上羅鄴王

寄酬鄴王羅令公三首

金陵寄竇尚書 春晚寄鍾尚書

得宣州竇尚書書因投寄二首

寄張侍郎 江南寄所知周僕射

廣陵李僕射借示近詩因投獻

秋日泊平望驛寄太常裴郎中

雲溪晚泊寄裴庶子 寄鍾常侍

寄前宣州竇常侍 寄右省王諫議

寄鄭補闕 寄楊秘書二首

湖州裴郎中赴闕後投寄簡友生

寄京闕陸郎中昆仲 冬暮寄裴郎中

寄前戶部陸郎中 寄池州鄭員外

寄三衢孫員外 憶湖南舊遊寄盧校書

暇日有寄姑蘇曹使君兼呈張郎中郡中賓僚

秋日有寄姑蘇曹使君

寄進士盧休 秋夜寄進士顧榮

寄黔中王從事 寄渭北徐從事

寄喬逸人 寄南城韋逸人

秋日禪智寺見裴郎中題名寄韋瞻

寄韋瞻 寄崔慶孫

寄徐濟進士 下第寄張坤

吳門晚泊寄句曲道友

湖上歲暮感懷寄友人

秋晚寄友人

旅舍書懷寄所知

秋日有寄

夜泊毘陵無錫縣有寄

江邊有寄

寄西華黃鍊師

寄第五尊師

寄處默師

寄程尊師

寄無相禪師

卽事中元甲子

中元甲子駕幸蜀 四首

重過隨州故兵部李侍郎恩知因杼長句

隱常在江陵忝故中令白公叨蒙知遇今復重

過渚宮感事悲聲遂成長句

故洛陽公鎮大梁時隱得遊門下今之經歷事

往人非聊杼所懷以傷以謝

西上

西京道中

途中寄懷

東歸途中作

東歸

北邙山

西塞山

江州望廬山

黃河

汴河

黃陂

江都

金陵夜泊

中元夜泊淮口

渚宮愁思

春日葉秀才曲江

曲江春感

漢江上作

遊江夏口

官池秋夕

貴池曉望

村橋

水邊

潮

塞外

廣陵春日憶池陽有寄

憶夏口

憶九華

金陵思古

湘南春日懷古

臺城

同前

春日登上元石頭故城

維城作

經過洛陽城

自湘川東下立春泊口阻風登孫權城

登夏州城樓

過廢江寧縣

武牢關

籌筆驛

黃鶴驛偶題

蓮塘驛

商驛樓東望有感

定遠樓

淮南高駢所造迎仙樓

登宛陵條風樓寄竇常侍

錢塘府亭

關亭春望

于越亭

宿荊州江陵館

河中經過翰林張舍人舊居

九華山費徵君所居題袁溪張逸人所居

清溪江令公宅

岐王宅

西京崇德里居

西京道德里

謁文宣王廟

代文宣王答

后土廟

湘妃廟

息夫人廟

春日獨遊禪智寺

揚州開元寺閣上

登瓦棺寺閣

春日湘中題嶽麓寺僧舍

甘露寺火後

秦望山僧舍

第五將軍於餘杭天柱觀入道因寄

瓊花觀經故友所居

題潤州妙善前石羊

題木居士廟

漂母墳

經耒陽杜工部廟墓

三衢哭孫員外

重過三衢哭孫員外

覽晉史

詠史

篋中得王郎中書

廣陵秋夜讀進士常修三篇因題

往年進士趙能卿嘗話金庭勝事見示敘

月

雪

潤州甘露寺看雪上周相公

長明燈

桃花

梅花

詠白菊

牡丹 二首

扇上畫牡丹

詠繡

言

姑蘇城南湖陪曹使君遊

送章碣赴舉 上江州陳員外

早春巴陵道中

登高詠菊盡

淮南送盧公歸臺 安陸贈徐礪

暇日感懷因寄同院吳蛻拾遺

送劉校書之新安寄吳常侍

重九日廣陵道中 粉

晚眺 野花

卷之四

五言絕句

雪 遇邊使

朔口逢人

七言絕句

偶興 自遣

書懷 獻尚父大王

夜泊義興戲呈邑宰 寄竇澤處士 二一首

寄聶尊師 贈無相禪師

嘲鍾陵伎雲英 早行 二一首

京中晚望 帝幸蜀

江南 江北

烏程 仙掌

漫天嶺 嚴陵灘

野狐泉 鄴城 二一首

故都 華清宮

馬嵬坡 宿紀南驛

姑蘇臺

銅雀臺

望思臺

四皓廟

尚父偶建小樓特摘麗藻絕句不敢稱揚

三首

青山廟

許由廟

韓信廟

焚書坑

始皇陵

煬帝陵

王濬墓

孟浩然墓

淮口軍塋

題鑿石山僧院

金山僧院

秦記

西施

羅敷水

書淮陰侯傳

董仲舒

韋公子

王夷甫

貴遊

題新榜

題蟠溪垂釣圖

八駿圖

聽琴

聽琵琶

京中正月七日立春

七夕

中秋夜不見月

浮雲

人日新安道中見梅花

柳

竹

紅梅

金錢花

柳

隋堤柳

小松

鸚鵡

子規

病中題主人庭鶴

鷺鷥

蜂

蟬

詠香

簾 二首

耒陽

白角篔 安嶽中見淋淋淚

圍城偶作良民

卷之五 五月十日立春

疏

請追癸巳日詔疏

序

陳先生集後序

湘南應用集序

記

鎮海軍使院記

東安鎮新築羅城記

杭州羅城記

書

上招討宋將軍書

論

鄮文終侯論

碑

刻嚴陵釣臺

梅先生碑

銘

紀事
舊井銘

與某博士狀

紀事

拾甲子年事

說石烈士

卷之六

啓

投前夏口韋尚書啓

投禮部鄭員外啓

投永寧李相公啓

投湖南王大夫啓

謝崔舍人啓

投湖南于常侍啓

謝大理薛卿啓

投秘監韋尚書啓

上太常房博士啓

投鹽鐵裴郎中啓

投蘄州裴員外啓

投同州人楊尚書啓

河中辭令狐相公啓

投鄭尚書啓

謝刑部蕭郎中啓

謝屯田全郎中啓

辭宣武鄭尚書啓

謝湖南于常侍啓

謝江都鄭長官啓

卷之七

雜著

說天雞

風雨對

荆巫

英雄之言

辨害

漢武山呼

子高之讓

蒙叟遺意

廣陵妖亂志

四則

卷之八

兩同書之類

榮更意

貴賤第一

強弱第二

損益第三

敬慢第四

厚薄第五

理亂第六

得失第七

真偽第八

卷同異第九

愛憎第十

吳越備史羅隱本傳

羅隱字昭諫新登縣人也祖知微福唐縣令父修古
 應開元禮隱本名橫凡十上不中第遂更名初從事
 湖南歷淮潤皆不得意乃歸新登及來見王懼不見
 納遂以所為夏口詩標於卷末云一箇彌衡容不得
 思量黃祖漫英雄之句王覽之大笑因加殊遇復命
 簡書辟之曰仲宣遠託婁荊州都緣亂世夫子辟為
 魯司寇只為故鄉隱曰是不可去矣王初授鎮海節
 度時命沈崧草謝表盛言浙西繁富成以示隱隱曰
 今浙西兵火之餘日不暇給朝廷執政方切於賄賂
 此表入奏執政豈無意于要求耶迺請更之其畧曰

天寒而麋鹿常遊日暮而牛羊不下朝廷見之曰此羅隱辭也及爲賀昭宗更名表曰左則虞舜之全文右則姬昌之半字當時京師稱爲第一隱性不喜軍旅惟與丞相杜建徽善王初城西府命賓僚巡覽顧謂左右曰百步一敵樓足以言金湯之固隱徐曰敵樓不如內向及徐許之亂人皆以爲先見一日隱寢疾王親臨撫問因題其壁云黃河信有澄清日後代應難繼此才隱起而續末句云門外旌旗屯虎豹壁間章句動風雷隱由是以紅紗罩覆其上其後果無文嗣隱累官錢塘縣令尋授鎮海軍掌書記節度判官鹽鐵發運副使授著作佐郎司勳郎中歷遷諫議大夫給事賜金紫卒年七十七歲所著江東甲乙集淮海寓言及讒書後集並行于世初新登鼉江常有青白二氣亘于江上晝夜不滅及隱洎丞相杜建徽生而二氣不復見識者以爲文武秀氣焉

羅昭諫集卷之一

唐新城羅隱昭諫著

清渤海容菴張

瓚訂鏡

新城

卓湄袁

英

全校

右菴袁弘器

賦

秋蟲吟

并序

秋蟲蜘蛛也致身羅網間實腹亦羅網間愚感其理有得喪因以賦之

物之小兮迎網而斃物之大兮兼網而逝網也者繩其小而不繩其大吾不爾身之危兮腹之餒兮吁

五言古

空城雀

雀入官倉中所食能損幾所慮往復頻官倉乃害爾
魚網不在天鳥網不張水飲啄要自然何必空城裏

庭花

昨日芳艷濃開樽幾同醉今朝風雨惡惆悵人生事
南威病不起西子老兼至向晚寂無人相俛墮紅淚
龍頭水

借問龍頭水年年恨何事全疑嗚咽聲中有征人淚
自古無長策况我非深智何計謝潺湲一宵空不寐
江夏酬高崇節

臘雪都堂試春風汴水行十年雖抱疾何處不無情

羣盜正當路此游應隔生勞君問流落山下已躬耕

秦中富人

高高起華堂區區引流水糞土金玉珍猶嫌未奢侈
陋巷滿蓬蒿誰知有顏子

思歸行

不畊南畝田爲愛東堂桂身同樹上花一落又經歲
交親益相薄知己恩潛替日開十二門自是無歸計

七言古

酬丘光庭

正月十一日書札五月十六日到來柳吟秦望咫尺
地鯉魚何處閑徘徊故人情意未疎索次第序述眉

眼開上言二年隔煙水下有數幅真瓊瑰行吟坐讀
口不倦瀑泉激射琅玕摧壁池蘭蕙日已老村酒蘸
甲時幾杯鶴齡鴻算不復見雨後蓑笠空莓苔自從
黃寇擾中土人心波蕩猶未迴趙殷合眼拜九列張
濬棹舌升三台朝廷濟濟百揆序寧將對面容姦回
禍生有基妖有漸翠華西幸蒙塵埃三川梗塞兩河
關大明宮殿生蒿萊懦夫早歲不量力策蹇仰北高
崔巍千門萬戶扃鎖密良匠不肯雕散材君今得意
尚如此况我麋鹿悠悠哉榮衰貴賤目所覩莫嫌頭
白黃金臺

江南行

江煙濕雨鮫綃軟漠漠小山眉黛淺水國多愁又有
情夜槽壓酒銀船滿細絲搖柳凝曉空吳王臺榭春
夢中鴛鴦鷓鴣喚不起平鋪綠水眠東風西陵路邊
月悄悄油壁車輕蘇小小

巫山高

下壓重泉上千仞香雲結夢西風緊縱有精靈得往
來狄軛颺軒亦顛隕嵐光雙雙雷隱隱愁爲衣裳恨
爲鬢暮灑朝行何所之江邊日月情無盡珠零冷露
丹墮楓細腰長臉愁滿宮人生對面猶異同况在千
巖萬壑中

薛陽陶甯築歌

平泉上相東征日曾爲陽陶歌聲築烏江太守會稽
侯相次三篇皆俊逸喬山殯葬衣冠後金印蒼黃南
去疾龍樓冷落夏口寒從此風流爲廢物人間至藝
難得主懷抱差池恨星律邗溝僕射戎政閑試渡瓜
洲吐伊鬱西風九月草樹秋萬喧沉寂登高樓左篁
揭指徵羽吼煬帝起坐淮王愁高飄咽滅出滯氣下
感知已時橫流穿空激遠不可遏髣髴似向伊水頭
伊水林泉今已矣因取遺編認前事武宗皇帝御宇
時四海怡然知所自掃除桀黠似提箒制壓權豪若
穿鼻九鼎調和各有門謝安空儉真兒戲功高近代
竟誰知藝小似君猶不棄勿惜喑鳴更一吹與君共

下難逢淚

病驄馬

櫪上病驄蹄裏裏江邊廢宅路迢迢自經梅雨長垂
耳乍食菰漿欲折腰金絡銜頭光未滅玉花毛色瘦
來焦曾聽禁漏驚街鼓慣踏康塵怕小橋夜半雄聲
心尚壯日中高卧尾還搖龍媒落地天池遠何事牽
牛在碧霄

長短句

芳樹

細萼慢逐風暖香閑破鼻青帝固有心時時漏天意
去年高枝猶壓地今年低枝已顛顛吾所以見造化

之權變通之理春夏作頭秋冬作尾循環反覆無終
已人生長短同一軌若使威可以制力可以止則秦
王不肯歛手下沙丘孟賁不合低頭入蒿里伊人強
猛猶如此顧我勞生何足恃但願我開素抱傾綠蟻
陶陶兀兀大醉于清宵白晝間任它是天下是地

羅昭諫集卷之二

唐新城羅隱昭諫著

清渤海容菴張

瓚訂鈔

東陽止菴盧懋蘊

全校

新城祖遂陳于上

五言律

效玉臺體

青樓枕路隅壁甃復椒塗晚夢通簾押春寒逼酒壚
解吟憐芍藥難見恨萑蒲試問年多少隣姬亦姓胡

秋夕對月

夜月色可掬倚樓聊解顏未能分寇盜徒欲滿關山
背冷金蟾滑毛寒玉兔頑姮娥謾偷藥長短老中間

輕颺

輕颺掠晚莎秋物慘關河戰壘平時少齋壇上處多
楚雖屈子重漢亦憶廉頗不及雲臺議空山老薜蘿
雪霽

南山雪乍晴寒氣轉崢嶸鎖却閑門出隨他駿馬行
一竿猶有計五鼎豈須烹愁見天街草青青又欲生

春居

東風百卉搖舊國路迢迢偶病成疎散因貧得寂寥
倚簷高柳弱乘露小桃妖春色常無處村醪更一瓢
寒食日早出城東

青門欲曙天車馬已喧闐禁柳搖風細牆花折露鮮

向誰誇麗景只此是流年不得高飛便回頭望紙鳶

秋晚

宰邑慚良術爲文愧壯圖縱饒長委命爭奈漸非夫
杯酒有時有亂離無處無金庭在何處回首一踟躕

秋齋後

浮碧山光冷月明露點勻渚蓮丹臉恨堤柳翠眉顰
蟬已送行客鴈應辭主人蠅蚊漸無况日晚自相親

除夜

官曆行將盡村醪強自傾厭寒思暖律畏老惜殘更
歲月已如此寇戎猶未平兒童不諳事歌吹待天明

九江早秋

雨過晚涼生樓中枕簟清海風吹亂木巖磬落孤城
百歲幾多日四蹄無限程西隣莫高唱俱是別離情

自和秋江

秋江待晚潮客思旆旌遙細雨翻蘆葉高風却柳條
兵戈村落破饑饉虎狼驕吾土兼連此離魂望裏銷

和豐秋浦

晴川倚落暉極目思依依野色寒來淺人家亂後稀
久貧身不達多病意常違還有漁舟在時時夢裏歸

辛酉陝西晚思

長途已自窮此去更西東樹色榮衰裏人心往返中
別情流水急歸意故山空莫忘交遊分從來事一同

冬暮城西晚眺

謬忝蓮華幕虛沾柏署官欹危長抱疾衰老不禁寒
時事已日過世途行轉難千崖兼萬壑只向望中看

南康道中

弱冠負文翰此中聽鹿鳴使君延上榻時輩仰前程
丹桂竟多故白雲空有情惟餘路傍淚沾灑向塵纓

宿彭蠡館

孤館少行旅解鞍增別愁遠山矜薄暮高柳怯清秋
病裏見時態醉中思舊遊所懷今已矣何必恨流東

早登新安縣樓

關城樹色齊往事未全迷塞路真人氣封門壯士泥

草濃延蝶舞花密教鶯啼若以鳴爲德鸞鳳不及雞
絕境

絕境非身事流年但物華水流苔髮直風引蕙心斜
凡客從題鳳膚音未勝蛙小船兼有槳始與問漁家

城西作

從君無一事終日掩空齋道薄交遊少才疎進取乖
野禽鳴聒耳庭草綠侵堦幸自同樗櫟何妨愜所懷

邊夜

光景飄如水流生涯轉似萍鴈門窮朔路牛斗故鄉星
句盡人誰切歌終淚自零夜闌迴首算何處不長亭

舊遊

良時不復再漸老更難言遠水猶經眼高樓似斷魂
依依宋玉宅歷歷長卿村今日空江畔相看只酒罇

題方干詩

中間李建州夏汭偶同遊顧我論佳句推君最上流
九霄無鶴板雙鬢老漁舟世難方如此何當浣旅愁

韋曲杜處士新居

翠斂王孫草荒誅宋玉茅寇餘無故物時薄少深交
迸笋穿行逕饑雛出壞巢小園吾亦有多病近來拋

早秋宿葉隨所居

池荷葉正圓長曆報時彈曠野雲蒸熱空庭雨始寒
蠅蚊猶得志簟席若爲安浮世知誰是勞歌共一歡

題段太尉廟

近甸蒙塵日南梁反正年飄流茂陵苑零落大官椽
建燾非降楚披圖異錄燕堪嗟侍中血不及御衣前
秋日富春江行

遠岸平如剪澄江靜似鋪紫鱗仙客馭金顙李衡奴
冷疊千山濶清涵萬象殊嚴陵亦高見歸卧是良圖
昇仙橋

危梁枕路岐駐馬問前時價自友朋得名因婦女知
直須論運命不得逞文詞執戟居鄉里榮華竟若爲
臺城

水國春常在臺城夜未寒麗華承寵渥江令捧杯槃

宴罷明堂爛詩成寶炬殘兵來吾有計金井玉构欄

北固亭東望寄默師

高亭暮色中往事更誰同水謾矜天濶山應到此窮
病憐京口酒老怯海門風惟有言堪解何由見遠公
封禪寺居

盛禮何由覩嘉名偶寄居周南太史淚蠻徼長卿書
砌竹搖風直庭花泣露疎誰能賦秋興千里隔吾廬
靈山寺

晚景聊攄抱憑欄幾蕩魂檻虛從四面江濶奈孤根
幽徑薜蘿色小山苔蘚痕欲依師問道何處繫心猿
題真娘墓

春草荒墳墓萋萋向虎丘死猶嫌寂寞生肯不風流
皎鏡山泉冷輕裾海霧秋還應伴西子香徑夜深遊

蘇小小墓

魂依樵李城由未有人耕好月當年事殘花觸處情
向誰曾艷冶隨分得聲名應待吳王日蘭橈暗送迎

遣興

青雲路不通歸計奈長蒙老恐醫方悞窮憂酒盞空
何堪離亂後更入是非中長短遭譏笑迴頭避釣翁

傷華髮

舊國迢迢遠清秋種種新已衰曾軫慮初見忽沾巾
日薄梳兼懶根危鑷恐頻青銅不自見只擬老他人

旅夢

旅夢無遷次窮愁有嘆嗟子鷺金口遠粳米會稽賒
漏澁纔成滴燈寒不作花出門聊一望蟾桂向人斜

感舊

劍佩孫弘閣戈鋌大將營重言虛有位孤立竟無成
丘隴笳簫咽池臺歲月平此恩何以報歸處是柴荆

使者

使者銜中旨崎嶇萬里行人心猶未革天意似難明
四海霍光第六龍張奉營陪臣無以報西望不勝情

郴江遷客

不是逢清世何由見皂囊事雖危虎尾名勝汨鴛行

毒霧郴江濶愁雲楚驛長歸時有詞賦一爲弔沅湘
途中逢劉知遠

吳楚煙波裏巢由季孟間只言無事貴不道致身閑
別渚蓮根斷歸心桂樹頑空勞鍾璞意塵世隔函關
亂後逢友人

滄海去未得倚舟聊問津生靈寇盜盡方鎮改更頻
夢裏舊行處眼前新貴人從來事如此君莫獨沾巾
期徐道者不至

遼鶴虛空語冥鴻未易親偶然來卽是必擬見無因
霜霰窮冬冷杯盤旅舍貧只應薊子訓醉後懶分身
雪中懷友人

臘酒復臘雪故人今越鄉所思誰把盞端坐恨無航
兔苑舊遊盡龜臺仙路長未知鄒孟子何以奉梁王

思故人

故人不可見聊復拂鳴琴鵲遶風枝急螢藏露草深
平生四方志此夜五湖心惆悵友朋盡洋洋漫好音

秋日懷孟夷庚

秋葉黃陂下孤舟憶共誰江山三楚界風雨二妃祠
知己秦貂沒流年賈鵬悲中原正兵馬相見是何時

秋日懷賈隨進士

邊寇日騷動故人音信稀長纓慚賈誼孤塚憶韓非
曉匣魚腸冷春園鴨掌肥知君安未得聊且示忘機

寄陸龜蒙

龍樓李丞相昔歲仰高文黃閣尋無主青山竟未聞
夜船乘海月秋寺伴江雲却恐塵埃裏浮名點汗君
寄易定公乘億侍郎

謝舞仍宮柳高奇世少雙侍中生不到園令死須降
班秩通烏府尊疊近碧幢昭王有餘烈試爲禱迷邦
寄制誥李舍人

梁王握豹韜雪裏見枚臯上客趨丹陛游人嘆二毛
門閒知待詔星動想濡毫一首長楊賦應嫌索價高
秋日寄狄補闕

紅塵擾擾間立馬看南山漫道經年往何妨逐日閒

病中霜葉赤愁裏鬢毛斑不爲良知在驅車已出關

寄蘇拾遺

早歲長楊賦當年諫獵書格高時輩伏言切宦情疎
慷慨傳丹桂艱難保舊居退朝焚諫草能忘馬相如

寄袁皓侍御

東台失路岐榮辱事堪悲我寢牛衣敝君居豸角危
風塵慚上品才業媿明時千里芙蓉幕何由話所思

寄大理寺徐郎中

佐棘竟誰同因思證聖中事雖亡顯報理合有陰功
官緒詵枝老生涯范甌空幾時潘好禮重與話清風

寄侯博士

規諫楊雄賦遭迴賈誼官久貧還往少孤立轉遷難
清鏡流年急高槐旅舍寒侏儒亦何有飽食向長安

寄徵士魏員外

嘉遁蘇門節清貧粉署官不矜朝命重只恨路行難
窓曉雞談倦庭秋蝶夢闌美君歸未得還有釣魚竿

寄禮部鄭員外

樂却門風大裴王禮樂優班資冠雞舌人品壓龍頭
夜直鑪香細晴編疏草稠曾聞潘散騎三十二悲秋

寄金吾李孫常侍

西班掌禁兵蘭綺最分明曉色嚴天仗春寒避火城
安危雖已任韜畧卽嘉聲請問何功德壺關寇始平

寄虔州薛大夫

祝融峯下別三載夢魂勞地轉南康重官兼亞相高
海鵬終負日神馬肯眠槽會得窺成績幽窓染兔毫

寄剡縣主簿

金庭養真地球篆勾稽官境勝堪長往時危喜暫安
洞連滄海濶山擁赤城寒他日拋塵土因君擬煉丹

秋寄張坤

庭樹已黃落閉門俱寂寥未知棲託處空羨聖明朝
酒醒鄉心濶雲晴客思遙吾徒自多感顏子只簞瓢

寄許融

多病仍疎拙唯君與我同帝鄉年共老江徼業俱空

燕冷辭華屋蟬涼咽晚叢白雲高幾許全屬採芝翁
除夜寄張達

梅花已著眼竹葉况粘唇只此留殘歲那堪憶故人
亂離書不達衰病日相親江浦思歸意明朝又一春
初夏寄顧紹宗

江上偶分袂四迴寒暑更青山無路入白髮滿頭生
郢浦鴈尋過鏡湖蟬又鳴憐君未歸日杯酒若爲情
寄洪正師

寄寒渾成跡經年滯杜南價輕猶有二足別已過三
雞肋曹公忿猪肝仲叔慙會應謀避地依約近禪菴
秋居有寄

端居湖岸東生計有無中魔處千般鬼寒時百種風
性靈從道拙心事奈成空多謝金臺客何當一笑同

酬高崇節

舊遊雖一夢別緒忽千般敗草湯陵晚衰槐楚寺寒
數奇常自媿時薄欲何干猶賴君相勉慙慙貢禹冠
送李右丞分司

分曹得洛川讜議更昭然左省曾批勅中臺肯畏權
所悲時漸薄共賀道尤全賣與清平代相兼值幾錢
送沈光侍御赴職閩中

未至應居右全家出帝鄉禮優逢苑雪官重帶臺霜
夜浦吳潮亂春灘建水狂延平有風雨從此是騰驤

商於驛與于韞玉話別

南朝徐庾流洛下憶同遊酒採閑坊菊山登遠寺樓
相思勞寄夢偶別已經秋還被青青桂催君不自由
哭張博士太常

前輩倏云歿媿君曾北方格卑雖不稱言重亦難忘
諫草猶青瑣悲風已白楊只應移理窟泉下對真長
鷺聲

井上梧桐暗花間霧露稀一枝晴復暖百轉是兼非
金屋夢初覺玉關人未歸不堪閒日聽因爾又沾衣
燕

不必嫌漂露何妨養羽毛漢妃金屋遠盧女杏梁高
野迥雙飛急煙晴對語勞猶勝黃雀在棲息是蓬蒿
鷹

越海霜天暮辭韜野草乾俊通司隸職嚴奉武夫官
眼惡藏鋒在心麤逐物殫近來脂膩足驅遣不妨難
蝶

漢王刀筆精寫爾逼天生舞巧何防急飛高所恨輕
野田黃雀慮山館主人情此物那堪作莊周夢不成
螢

空庭夜未央點的度危牆抱影何微細乘時忽發揚
不思因腐草便擬倚孤光若道通文翰車公業豈長

籬落歲云暮數枝聊自芳雪裁纖藥密金拆小苞香
千載白衣酒一生青女霜春叢莫輕薄彼此有行藏

紅葉

不奈荒城畔那堪晚照中野晴霜裊綠山冷雨催紅
遊子灞陵道美人長信宮等閒俱歲暮搖落意無窮

詠錢

志士不敢道貯之成禍胎小人無事執假爾作梯媒
解釋愁腸結能分睡眠開朱門狼虎性一半逐君迴

殘花

已歎良時晚仍悲別酒催暖芳隨日薄輕片逐風迴
黛歛愁歌扇粧殘泣鏡臺繡陰莫矜衒終是共塵埃

初秋寄友人

九華曾屏跡懼亂與心違是處堪終老新秋又未歸
病中芳艸歇愁裏白雲飛樵侶兼同志音書近又稀

堠子

終日路岐旁前程亦可量未能慙面黑只是恨頭方
雅旨逾千里高文近兩行君知不識字第一莫形相

題玄同先生艸堂

三首

杳杳諸天路蒼蒼大滌山景輿留不得毛節去應閒
相府舊知己教門新啓關太平匡濟術流落在人間

其二

先生訣行日曾奉數行書意密尋難會情深恨有餘

石橋春暖後勾漏藥成初珍重雲間鶴從來不定居
其三

常時憶討論歷歷事猶存酒向餘杭盡雲從大滌昏
往來無道侶歸去有台恩自此玄言絕長應閉洞門

茅齋

從事不從事養生非養生職爲尸祿本官是受恩名
時態已相失歲華徒自驚西齋一卮酒衰老與誰傾

遁跡

遁跡知安住沾襟欲奈何朝廷猶禮樂郡邑忍干戈
華馬憑誰問羌塵自此多因思漢明帝中夜憶廉頗

倚櫂

倚櫂聽鄰笛沾衣認酒壚自緣非巨室誰復爲窮途
樹解將軍夢城遺御史烏直應齊始了傾酌向寒蕪

五言排律

投宣武鄭尚書二十韻

漢代簪纓盛梁園雉堞雄物情須重德時論在明公
族大踰開魏神高本降嵩世家唯蹇諤官業卽清通
翰苑論思外綸闈嘯傲中健毫驚綵鳳高步出冥鴻
履歷雖吾道行藏必聖聰絳霄無繫滯浙水忽西東
庾監高樓月袁郎滿座風四朝存故事兩地有全功
去去才須展行行道益隆避權辭憲署伏節出南宮
鴈影相承接龍圖共始終自然須作礪不必恨臨戎

幕下蓮花盛竿頭彈佩紅騎兒逢郭伋戰士得文翁
人地應無比簞瓢奈屢空因思一枝桂已得斷根蓬
往事應歸捷勞歌且責躬殷勤信陵館今日自途窮

投浙東王大夫二十韻

越嶺千峯秀淮流一派長暫憑開物手來展濟時方
舊跡蘭亭在高風桂樹香地清無等級天濶任徊翔
塵尾談何勝螭頭筆更狂直曾批鳳詔高已冠鷓行
嘯傲辭民部雍容出帝鄉趙堯推印綬勾踐與封疆
水占仙人吹城留御史牀嘉兵鄒潤甫百姓賀知章
席暖飛鸚鵡塵輕駐驕驕夜歌珠斷續晴舞雪悠揚
化向棠陰布春隨棣萼芳盛名韜不得雄略晦彌彰

自媿三冬學未窺數仞牆感深惟刻骨時去欲沾裳
想望魚燒尾咨嗟鼠齧腸可能因蹇拙便合老滄浪
題柱心猶壯移山志未忘深慙百般病今日問醫王

送汝州李中丞十二韻

羣盜方爲梗分符奏未寧黃巾攻郡邑白挺掠生靈
塵土周畿暗瘡痍汝水腥一兇雖剪滅數縣尚凋零
理必資寬猛謀須籍典刑與能纔物論慎選忽天庭
官品尊臺秩山河擁福星虎知應去境牛在骨全形
舊政窮人瘼新銜展武經關防秋草白城壁晚峯青
破膽期來復迷魂想待醒魯山行縣後聊爲奠惟馨

闕題

前有脫句

葉長春松濶科圓早薤齊雨沾虛楹冷雪壓遠山低
竹好還成徑桃夭亦有蹊小窓奔野馬閑甕養醯雞
水石心愈切煙宵分已睽病憐王猛畚愚笑隗囂泥
澤浦潮平岸江村柳覆堤到頭乘興是誰手好提携
聖真觀劉真師院十韻

簾下嚴君卦窓間少室峯攝生門已盡混跡世猶逢
山藪師王烈簪纓友戴顓魚跳介象鱠飯吐葛玄峯
紫飽垂新椹黃輕墮小松塵埃金谷路樓閣上陽鐘
野耗鳶肩寄仙書鳥爪封支牀龜縱老取箭鶴何慵
別久曾牽念閑來肯厭重尚餘青竹在試爲剪成龍

秋風生桂枝

涼吹從何起中宵景象清漫隨雲葉動高傍桂枝生
漠漠看無際蕭蕭別有聲遠吹斜漢轉低拂白榆輕
寥泬工夫大乾坤歲序更因悲未歸客長望一枝榮

投寄韋左丞

赤壁徵文聘中臺拜郤詵班資叅令僕曹署轄星辰
僕被從誰起持綱自此新舉明朝典數封納詔書頻
禁樹曾攜藻臺鳥舊避塵便應酬倚注何處活窮鱗

羅昭諫集卷之三

唐新城羅隱昭諫著

清渤海容菴張

瓚訂鈔

新城 成之潘晨玉

秀蟠羅欲繡

全校

七言律

春思

蕩漾春風淥似波
惹情搖恨去
嗟嗟燕翻永日音聲
好柳舞空城
意緒多蜀國
暖回溪峽浪
衛娘清轉過
雲歌可憐
戶外桃兼李
仲蔚蓬蒿奈爾何

清明日曲江懷友

君與田蘇卽舊遊
我於交分亦綢繆
二年隔絕黃泉

羅明詩集卷之三
下盡日悲涼曲水頭鷗鳥自能齊物理杏花疑欲伴
人愁寡妻稚子應寒食遙望江陵一淚流

長安秋夜

遠聞天子似羲皇偶捨漁鄉入帝鄉五等列侯無故
舊一枝仙桂有風霜燈歛短焰燒離鬢漏轉寒更滴
旅腸歸計未知身已老九衢雙闕夜蒼蒼

閑居早秋

槐杪清蟬煙雨餘蕭蕭涼葉墜衣裾噪槎鳥散沉蒼
嶺弄杵風高上碧虛百歲夢生悲蛺蝶一朝香死泣
芙蓉六宮誰買相如賦團扇恩情日日疎

七夕

絡角星河蒼蒨天一家歡笑設紅筵應傾謝女珠璣
篋盡寫檀郎錦繡篇香帳簇成排窈窕金針穿罷拜
嬋娟銅壺漏報天將曉惆悵佳期又一年

杜陵秋思

南望商於北帝都兩堪棲托兩無圖只聞斥逐張公
子不覺悲同楚大夫巖畔早涼生紫桂井邊疎影落
高梧一杯綠酒他年憶瀝向清波寄五湖

漢東秋思

簾卷兩牀琴瑟秋暫憑前計奈相尤塵飄馬尾茸蓬
轉酒憶江邊有夢遊隋帝舊祠雖寂寞楚妃清唱亦
風流可憐別恨無人易獨背殘陽下寺樓

感懷

石徑松軒亦自由，謾隨浮世逐飄流。
駑駘路結前程恨，蟋蟀牀生半夜秋。
掩耳惡聞宮妾語，低頭須向路人羞。
誰教小事相催逼，未到青雲擬白頭。

所思

梁王兔苑荆榛裏，煬帝鷄臺夢想中。
只覺惘然悲謝傅，未知何以報文翁。
生靈不幸台星折，造化無情世界空。
劃盡寒灰始堪嘆，滿庭霜葉一窻風。

歸夢

陸海波濤漸漸深，一迴歸夢抵千金。
路旁草色休多事，牆外鶯聲肯有心。
日晚向隅悲斷梗，夜闌澆酒哭

知音貪財敗陣誰，相悉鮑叔如今不可尋。

自貽

衰老應難更進趨，藥畦經卷自朝晡。
縱無顯效亦藏拙，若有所成甘守株。
漢武巡遊虛軋軋，秦皇吞併謾驅驅。
如何只見丁家鶴，依舊遼東歎綠蕪。

下第作

年年模樣一般般，何似東歸把釣竿。
巖谷謾勞思雨露，彩雲終是逐鷓鴣。
塵迷魏闕身應老，水到吳門葉欲殘。
至竟窮途也須達，不能長與世人看。

丁亥歲作

病想醫門渴望梅，十年心地僅成灰。
早知世事長如

此自是孤寒不合來谷畔氣濃高蔽日蟄邊聲暖乍
聞雷滿城桃李君看取一一還從舊處開

春日投錢塘元帥尚父

二首

正憂衰老辱金臺敢望昭王顧問來門外旌旗屯虎
豹壁間章句動風雷三都節已聯翩降兩地花應次
第開若比紫髯分鼎足未聞餘力有瓊瓌

其二

征東府幕十三州敢望非才忝上游官秩已叨吳品
職姓名兼顯魯春秋鹽車顧後聲方重火井窺來焰
始浮一句黃河千載事麥城王粲謾登樓

暇日投錢尚父

牛斗星邊女宿間棟梁虛敞麗江關望高漢相東西
閣名重淮王大小山醴設鬪傾金鑿落馬歸爭撼玉
連環自慙麋鹿無能事未報深恩鬢已斑

病中上錢尚父

左脚方行右臂攣每慚名跡汗賓筵縱饒吳王容衰
病爭奈燕臺費料錢藜杖已乾難更把竹輦雖在不
堪懸深恩重德無言處回首浮生淚泫然

上鄂州韋尚書

往歲先皇馭九州侍臣才業最風流文窮典誥無餘
力俗致雍熙盡密謀蘭省換班青作綬柏臺前引絳
爲韞都緣未負江山興開濟生靈校一秋

途中獻晉州孟中丞

太平天子念蒲東又委星郎養育功昨日隼旟辭闕
下今朝珠履在河中樓移庾亮千山月樹待袁宏一
扇風不及政成應入拜晉州何足展清通

臨川投穆中丞

試將生計問蓬根心委寒灰首戴盆翅弱未知三島
路舌頑虛掉五侯門嘯煙白狄沉高木搗月清砧觸
旅魂家在碧江歸不得十年漁艇長苔痕

鄭州獻盧舍人

海槎閒暇閩風輕不是安流不肯行雞省露濃湯餅
熟鳳池烟暖詔書成漁籌已合光儒夢堯印何妨且

治兵會待兩都收復後右圖儀表左題名

出試後投所知

此去蓬壺兩日程當時消息甚分明桃須曼倩催分
熟橘待洪崖遣始行島外音書應有意眼前塵土漸
無情莫教更似西山鼠嚙破愁腸恨一生

投所思

顛顛長安何所爲旅魂窮命自相疑滿川碧嶂無歸
日一榻紅塵有淚時雕琢只因勞郢匠膏肓終恐誤
秦醫浮生七十今三十從此悽惶未可知

徐寇南逼感事獻江南知己

酒闌離思浩無窮西望維揚憶次公萬里漂零身未

羅明詩集卷之三
五
了一家知契意曾同雲遮晉國塵應暗路轉吳江信
不通今日便成盧子諒滿襟珠淚墮霜風

逼試投所知

桃在仙翁舊苑傍暖煙晴靄撲人香十年此地頻偷
眼二月春風最斷腸曾恨夢中無好事也知囊裏有
仙方尋思仙骨終難得始與回頭問玉皇

贈漉先輩令狐補闕

中間聲跡早薰然阻避鈞衡過十年碧海浪高終濟
物蒼梧雲好已歸天花迎綵服離鶯谷柳傍東風觸
馬鞭應念淒涼洞庭客夜深雙淚憶漁船

贈夏州胡常侍

百尺高臺勃勃州大刀長戟漢諸侯征鴻過盡邊雲
濶戰馬閒來塞草秋國計已拚肝膽許家財不爲子
孫謀仍聞隴蜀猶多事深喜將軍未白頭

贈湖州裴郎中

貴提金印出咸秦瀟灑江城兩度春一派水清疑見
膽數重山翠欲留人望崇早合歸黃閣詩好何妨戀
白蘋自是受恩心未足却垂雙翅羨吳筠

贈盧從事

前年帝里望行塵記得仙家第四人泉煖舊諳龍偃
息露寒初見鶴精神歌聽上榻梁園晚夢遶殘鐘汜
水春知有篋中編什在只應從此是經綸

湘中贈范鄖

丹桂無心彼此諳二年疎嬾共江潭
愁知酒盞終難捨老覺人情轉不堪
雲外鷓鴣非故舊眼前膠漆是煙嵐
勞歌一奏霜風暮擊折湘妃白玉簪

贈漁翁

葉艇悠揚鶴髮垂生涯空托一綸絲
是非不向眼前起寒暑任從波上移
風濛長籠秋月裏夢和春雨晝眠時
逍遙此意誰人會應有青山綠水知

和淮南李司空同轉運員外送韋士赴口

層層高閣舊瀛洲此地須徵第一流
丞相近年榮倚望重才今日喜遨遊
榮持健筆金黃貴恨咽離筵管

吹秋誰繼伊臯送行句梁王詩好郢人愁

和禪月大師見贈

高僧惠我七言詩頓豁塵心展白眉
秀似谷中花媚日清如潭底月圓時
應觀法界蓮千葉肯折人間桂一枝
漂蕩秦吳十餘載因循猶恨識師遲

廣陵秋日酬進士臧漬見寄

驛西斜日滿窓蟬獨凭秋欄思渺然
數尺斷蓬慙故國一輪清鏡泣流年
已知世事真徒爾縱有心期亦偶焉
空媿荀家好兄弟鴈來魚去是因緣

酬寄右司李員外

當年憶見桂枝春自此清途未四旬
左省望高推健

筆右曹官重得名人閒摘麗藻嫌秋興靜獵遺編笑
過秦猶把隋和向泥滓應憐疎散任天真

酬黃從事懷舊見寄

舊遊不合到心中把得君詩意亦同水館酒闌清夜
月香街人散白楊風長繩繫日雖難絆辨口談天未
易窮世事自隨蓬轉在思量何處是飛蓬

酬章處士見寄

中原甲馬未曾安今日逢君事萬端亂後幾回鄉夢
隔別來何處路行難霜鱗共落三門浪雪鬢同歸七
里灘何必新詩更相戲小樓吟罷暮天寒

秋日汴州客舍有酬

梁宋追遊早歲同偶然違別事皆空年如流水催何
急道似危途動卽窮醉舞且欣連夜月狂吟還聚一
樓風煩君更枉騷人句白鳳靈蛇滿袖中

秋日酬張特立

病寄南徐兩地秋故人依約亦揚州偶因鴈足思閒
事擬棹孤舟訪舊遊風急幾聞江上笛月高誰共酒
家樓平生意氣消磨盡甘露軒前看水流

縣齋秋晚酬友人朱瓚見寄

中和節後捧瓊瓌坐讀行吟數月來只歎雕龍方擅
價不知頰尾竟空迴千枝白露陶潛柳百尺黃金郭
隗臺惆悵報君無玉案水天東望一徘徊

答羅衮

崑崙水色九般流飲卽神仙憇卽休敢恨守株曾失意始知緣木更難求鴿原謾欲均餘力鶴髮那堪問舊遊遙望北辰當上國美君歸棹五諸侯

賀淮南節度盧員外賜緋

儉蓮高貴九霄聞燦燦朱衣降五雲驄馬早年曾避路銀魚今日且從軍御題綵服垂天眷袍展花心透縠紋應笑當年老萊子鮮華都自降明君

裴庶子除太僕卿因賀

楚珪班序未為輕莫惜良途副聖明宮省舊推皇甫謐寺曹今得夏侯嬰秩隨科第臨時貴官逐簪裾到

處清應笑馬安虛巧宦四迴遷轉始為卿

錢尚父生日

大昴分光降斗牛興唐宗社作諸侯伊夔事業扶千載韓白機謀冠九州貴盛上持龍節鉞延長應續鶴春秋錦衣玉食將何報更俟莊椿一舉頭

荀令生日

祥煙靄靄拂樓臺慶續玄元節後來已向青陽標四序便從嵩嶽應三台龜銜玉柄增年算鶴舞瓊筵獻壽杯自顧下儒何以祝柱天功業濟時才

京口見李侍郎

嗟嗟江柳欲矜春鐵瓮城邊見故人屈指不堪言甲

羅明諒集卷之三
子披風常記是庚申別來且喜身俱健亂後休悲業
盡貧還有杖頭沽酒物待尋山寺話逡巡

孫員外赴闕後重到三衢

遠山高樹思悠哉重倚危樓盡一杯謝守已隨徵詔
入魯儒猶逐斷蓬萊地寒謾憶移暄手時急方須濟
世才宣室夜闌如有問可能全忘未燃灰

湘中見進士喬詡

吳公臺下別經秋祖厲城邊暫駐留一笑有情堪解
夢數年無處不同遊雲牽楚思橫魚艇柳送鄉心入
酒樓且酌松醪依舊醉誰能相見向春愁

鍾陵見進士楊尋

孺亭滕閣少踟躕三度南遊一事無只覺流年如鳥
逝不知何處有龍屠雲歸洪井枝柯歛水下漳江氣
色麤賴得與君同此醉醒來愁被鬼椰榆

錢塘見芮逢

蔡倫池北鴈峯前離亂相兼十九年所喜故人猶會
面不堪良牧已重泉醉思把筯敲歌席狂憶判身入
酒船今日與君贏得在戴家灣裏兩瞠然

魏城逢故人

一年兩度錦江遊前值東風後值秋芳草有情皆礙
馬好雲無處不遮樓山將別恨和心斷水帶離聲入
夢流今日因君試迴首澹煙喬木隔綿州

送淮南李司空朝覲

聖君宵旰望時雍
丹詔西來雨露濃
楚客歌狂休歎鳳
武侯才大本猶龍
九州似鼎終須負
萬物爲銅只待鎔
臘後春前更何事
便看經度奏東封

送蕭中丞赴闕

八年刀筆別京華
歸去青冥路未賒
今日風流卿相客
舊時基業帝王家
彤庭彩鳳雖添瑞
望府紅蓮已減花
從此舊寮如有問
海邊麋鹿斗邊槎

送光祿崔卿赴闕

十年目斷望西轅
此日殷勤聖主恩
上國已留虞寄命
中朝應聽范汪言
官從府幕歸卿寺
路向干戈見

禁門鶴侶寂寥曹
署冷更堪嗚咽問
田園

爲汴州相公從事

吹臺高倚圃田東
此去輶車事分同
珠履舊參蕭相國
綵衣今佐晉司空
醉離淮甸寒星下
吟指梁園密雪中
到彼的知宣室語
幾時徵拜黑頭翁

送盧端公歸臺盧校書之夏縣

綿綿堤草拂征輪
龍虎俱辭楚水濱
只見勝之爲御史
不知梅福是仙人
地推八米源流盛
才笑三張事業貧
一總西歸一般達
柏臺霜冷夏城春

送陸郎中赴闕

幕下留連兩月強
爐邊侍史舊焚香
不關雨露偏垂

意自是鴛鸞合着行三署履聲通建禮九霄星彩應
明光少瑜今日休遲錦從此西垣使鳳凰

淮南送司勳李郎中赴闕

中朝品秩重文章雙筆依前賜望郎五夜星辰歸帝
座半年樽俎奉梁王南都水煖蓮分影北極天寒鴈
着行不必戀恩多感激過淮應合見徵黃

淮南送工部盧員外赴任

始從豸角曳長裾又吐鷄香奏玉除隋邸舊僚推謝
掾漢庭高議得相如貴分赤筆升蘭署榮著緋衣從
板輿遙想到時秋欲盡禁城涼冷露槐疎

送蘄州裴員外

六枝仙桂最先春瀟灑高辭九陌塵兩晉家聲須有
主六朝文雅別無人榮驅豹尾拋同輩貴上螭頭見
近臣蘄水蒼生莫相羨早看歸去掌絲綸

送鄭州嚴員外

欲將刀筆潤王猷東去先分聖主憂滿扇好風搖鄭
圃一車甘雨別皇州尚書積冷鴻聲晚僕射陂寒樹
影秋從此文星在何處武牢關外庾公樓

送雪川鄭員外

明時塞詔列分麾東擁朱輪出帝畿銅虎貴提天子
印銀魚榮傍老萊衣歌聽茗塢春山暖詩詠蘋洲暮
鳥飛知有掖垣南步在可能須待政成歸

送朗州張員外

聖朝綸閣最延才，須牧生民始入來。
鳳藻已期它日用，隼旗應是隔年回。
旗飄峴首嵐光重，酒奠湘江杜魄哀。
腸斷秦原二三月，好花全爲使君開。

重送前人

朱輪此去正春風，且駐青驄聽斷蓬。
一榻早年容孺子，雙旌今日別文翁。
誠知與善心長在，爭奈干時跡轉窮。
酬德酬恩兩無地，謾勞惆悵鳳城東。

送王使君赴蘇臺

東南一望可長吁，猶憶王孫領虎符。
兩地干戈連越絕，數年麋鹿卧姑蘇。
疲民賦重全家盡，舊族兵侵大

半無聊得伍員兼，旅寓不妨招取好椰榆。

送姚安之赴任秋浦

官罷春坊地象雷，片帆高指貴池開。
五侯水暖魚鱗去，九子山晴鴈敘來。
江夏黃童徒逞辯，廣都龐令恐非才。
到頭稱意須年少，贏得時光向酒杯。

送內史周大夫自杭州朝貢

八都上將近平戎，便附輶軒奏聖聰。
三變駕前朝覲禮，一函江表戰征功。
雲歸闔苑何時見，水到瑤池觸處通。
知有殿庭餘力在，莫辭消息寄西風。

送溪州使君

兵寇傷殘國力衰，就中南北藉良醫。
鳳銜泥詔辭丹

羅州詩集卷之三
關鵬倚霜風上畫旗官職不須輕遠地生靈只是計
臨時灞橋酒盞黔巫月從此江心兩地悲

送丁明府赴紫溪任

金徽玉軫肯躊躇偶滯長途半月餘樓上酒闌梅折
後馬前山好雪晴初樂公社在憐鄉樹潘令花繁賀
板輿縣譜莫辭留舊本異時量度更何如

送臧漬下第後歸池州

賦成無處換黃金却向春風動越吟天子愛才雖不
席諸生多病又沾襟柳攀灞岸狂遮袂水憶池陽綠
滿心珍重綵衣歸正好莫將閒事繫升沉

送沈光及第後東歸兼赴嘉禮

青青月桂觸人香白紵衫輕稱沈郎好繼馬卿歸故
里况聞山簡在襄陽杯傾別岸應須醉花傍征車漸
欲芳擬把金錢助嘉禮不堪棲屑困名場

送秦州從事

一枝何足解人愁拋却還須定遠侯紫陌紅塵今別
恨九衢雙闕夜同游芳時易失勞行止良會難期且
住留若到邊庭有來使試披書尾話梁州

送宿州傅少府

江籬漠漠樹重重東過青淮到宿松縣好也知臨皖
水官閑應得看瀟峯春晴綠野吳歌怨雪霽平郊楚
酒濃留取餘杯待張翰明年歸棹一從容

送宣武徐巡官

傲睨公卿二十年東來西去盡悠然
白知關畔元非馬玄覺壺中別有天
漢帝詔銜應異日梁王風雪是初延
臨行不惜刀圭便愁殺長安買笑錢

途中送人東遊有寄

離騷莫惜暫逡巡君向池陽我入秦
歲月易拋非曩日酒杯難得是同人
路經隋苑橋燈夜江轉臺城岸草春
此處故交誰見問爲言霜鬢壓風塵

送友人歸夷門

三年流落大梁城每送君歸卽有情
別路算來成底事舊遊言着似前生
壇荒懶認詞人會門在空憐烈

士名至竟男兒分應定不須惆悵谷中鶯

送張綰遊鍾陵

南憶龍沙兩岸行當時天下尚清平
醉眠野寺花方落吟倚江樓月欲明
老去亦知難重到亂來爭肯不牽情
西山十二真人在從此煩君話姓名

送裴饒歸會稽

金庭路指剡川隈珍重良朋自此來
兩鬢不堪悲歲月一卮猶得話塵埃
家通曩分心空在世逼橫流眼未開
笑殺山陰雪中客等閑乘興又須迴

送人歸湘中兼寄舊知

貴溪煙雨九華山亂後應同夢寐間
萬里分飛休掩

袂兩袖相見且開顏君依宰府貂蟬貴我戀王門鬢
髮斑爲謝伏波筵上客幾時金印擬西還

送人赴職褒中

物態時情難重陳夫君此去莫傷春男兒只要有知
已才子何堪更問津萬轉江山通蜀國兩行珠翠見
褒人海棠花謝東風老應念京都共苦辛

送梅處士歸寧國

十五年前卽別君別時天下未紛紜亂離且喜身俱
在存沒那堪耳更聞良會謾勞悲曩跡舊交誰去弔
荒墳殷勤爲謝逃名客想望千秋嶺上雲

送臧漬下第謁竇鄜州

賦得長楊不直錢却來京口看鶯遷也知絳灌輕才
子好謁元常醉少年萬里故鄉雲縹緲一春生計淚
瀾汎多情柱史應相問與話歸心正浩然

送顧雲下第

行行杯酒莫辭頻怨歎勞歌兩未伸漢帝後宮猶識
字楚王前殿更無人年深旅舍衣裳敝潮打村田活
計貧百歲都來多幾日不堪相別又傷春

早春送處士張坤歸汴州

蕭蕭羸馬正塵埃又送歸軒吹向臺別酒莫辭今夜
醉故人知是幾時來泉經華嶽猶應凍花到梁園始
合開爲謝東門抱關吏不堪惆悵滿離杯

東歸別常修

六載辛勤九陌中，却尋歸路五湖東。
名慙桂苑一枝綠，繪憶松江兩筴紅。
浮世到頭須適性，男兒何必盡成功。
惟慙鮑叔深知我，他日蒲帆百尺風。

東歸別所知

芙蓉宮闕二妃壇，兩處因依五歲寒。
鄒律有風吹不變，郟枝無分住應難。
愁心似火還燒鬢，別淚非珠謾落盤。
却羨淮南好雞犬，也能終始逐劉安。

撫州別阮兵曹

雲晴天外見諸峯，幽軋行輪有去蹤。
內史宅邊今獨恨，步兵厨畔舊相容。
十年別鬢疑朝鏡，千里歸心著

晚鐘若不他時更，青眼未知誰肯薦臨邛。

江亭別裴饒

行杯且待怨歌終，多病憐君事事同。
衰鬢別來光景裏，故鄉歸去亂離中。
乾坤墊裂三分在，井邑摧殘一半空。
日晚長亭問西使，不堪車馬尚萍蓬。

送程尊師之晉陵

棟間雲出認行軒，郊外陰陰夏木繁。
高道乍爲張翰侶，使君兼是世龍孫。
溪含句曲清連底，酒貫餘杭綠滿樽。
莫見時危便乘興，人來何處不桃源。

送程尊師東游有寄

華蓋峯前擬卜耕，主人無奈又閒行。
且憑鶴駕尋滄

海又恐犀軒過赤城絳簡便應朝右弼紫旄兼合見
東卿勸君莫忘歸時節芝似螢光處處生

送楊鍊師却歸真誥巖

宦途不復更經營歸去東南任意行別後幾迴思會
面到來相見似前生久居竹蓋知勤苦舊業蓮峯想
變更爲謝佯狂吳道士耳中時有鐵船聲

送晉光太師

師以草書應制

禹祠分首戴灣逢健筆尋知達九重聖主賜衣憐絕
藝侍臣摘藻許高蹤寧親久別街西寺銜詔初離海
上峯一種苦心師得了不須回首笑龍鍾

別池陽所居

黃塵初起此留連火耨刀耕六七年雨夜老農思水
旱雪晴漁父共舟船已悲世亂身須去肯愧途危跡
屢遷却是九華山有意列行相送到江邊

奉使宛陵別二三從事

梁王雪裏有深知偶別家鄉隔路岐官品共傳勝曩
日酒杯爭肯忍當時豫章地暖矜千尺越嶠天寒愧
一枝還有釣魚簑笠在不堪風雨失歸期

感別元帥尚父

玉函瑤檢下台司記得當年捧領時半壁龍蛇蟠造
化滿筐山嶽動神祇疲牛舐犢心猶切陰鶴鳴雛力
已衰穉子不才身抱疾日窺真跡淚雙垂

感德敘懷寄上羅鄴王三首

舊業傳家有寶刀近聞餘力更揮毫
腰間印佩黃金重卷裏詩裁白雪高
宴罷嘉賓吟鳳藻獵迴諸將問龍韜
分茅列土纔三十猶擬回頭賭錦袍

其二

營室東迴蔭赤丘少年承襲擁青油
坐調金鼎尊明主橫把瑯戈拜列侯
書札二王爭巧拙篇章七子謝風流
西園舊跡今應在衰老無因奉勝遊

其三

脉散源分歷幾朝縱然官宦只卑僚
正憂末派淪滄海忽見高枝拂絳霄
百萬貔貅趨玉帳三千賓客珥

金貂良時難得吾宗少應念寒門久寂寥

魏博羅令公附卷有回

寒門雖得在諸宗棲北巢南恨不同馬
上固慙銷髀肉幄中猶羨愈頭風
蹉跎歲月心仍切迢遞江山夢未通
深荷吾宗有知己好將刀筆爲英雄

寄酬鄴王羅令公三首

敢將衰弱附強宗細算還緣血脉同
湘浦烟波無舊迹鄴都蘭菊有遺風
每憐離亂書猶達所恨雲泥路不通
珍重珠璣兼繡段草玄堂下寄楊雄

其二

水雲開霽立高亭依約黎陽對福星
只見篇章矜鏤

羅明詩集卷之三
管不知勲業柱青冥早緣入夢金方礪晚爲傳家鼎
始銘鶴髮四垂煙閣遠此生何處拜儀形

其三

錦笈朱囊連復連紫鸞飛下浙江邊
綃從海室奪烟霧樂奏帝宮勝管絃
長笑應劉非顯達每嫌伊霍少詩篇
戴灣老圃根基薄虛費工夫八十年

金陵寄竇尚書

二年岐路有西東長憶優游楚驛中
虎帳談高無客繼馬卿官傲少人同
世危肯使依劉表山好猶能憶謝公
此去此恩言不得謾將閒淚對春風

春晚寄鍾尚書

宰府初開奉末塵四年談笑隔通津
官資肯便矜中路酒盞還應憶故人
江畔舊遊秦望月檻前公事鏡湖春
如今莫問西禪塢一炷寒香老病身

得宣州竇尚書書因投寄

二首

雙魚迢遞到江濱傷感南陵舊主人
萬里朝臺勞寄夢十年侯國阻趨塵
尋知亂後嘗辭祿共喜閒來得養神
時見齊山敬亭客不堪戎馬戰征頻

其二

曾逐旌旗過板橋世途多難竟蓬飄
步兵校尉辭公府車騎將軍憶本朝
醉裏舊遊還歷歷病中衰鬢奈蕭蕭
遺簪墮履應留念門客如今只下寮

寄張侍郎

衰羸豈合話荊州爭奈恩多不自由無路重趨桓典
馬有詩曾上仲宣樓塵銷別迹堪垂淚樹拂他門嬾
舉頭一種人間太平日獨教零落憶滄洲

江南寄所知周僕射

曾陪公子醉西園峴首碑前事嬾言世亂共嗟王粲
老時危俱受信陵恩潮憐把盞吟江徼雨憶凭闌望
海門飛蓋寂寥清宴罷不知簪履更誰存

廣陵李僕射借示近詩因投獻

朝論國計暮論兵餘力猶隨鳳藻生語繼盤盂拋俗
格氣兼河嶽帶商聲閒尋綺思千花麗靜想高吟六

義清天柄已持堯典在更堪回首問緣情

秋日泊平望驛寄太常裴郎中

蘋洲重到宵難期西倚郵亭憶往時北海樽中常有
酒東陽樓上豈無詩地清每負生靈望官重方升禮
樂司聞說江南舊歌曲至今猶是唱吳姬

雪溪晚泊寄裴庶子

溪風如扇雨如絲閒步閒吟柳惲詩杯酒疎狂非曩
日野花狼籍似當時道窮漫有依劉感才急應無借
寇期滿眼雲山莫相笑與君俱是受深知

寄鍾常侍

一從朱履步金臺蘂苦冰寒奉上台峻節不由人學

得遠途終是自將來風高漸展摩天翼翰聳方呈構
厦材應笑樟亭舊同舍九州無驗滿爐灰

寄前宣州竇常侍

往年西謁謝玄暉尊酒留歡醉始歸曲檻柳濃鶯未
老小園花煖蝶初飛噴香瑞獸金三尺舞雪佳人玉
一圍今日亂離尋不得滿袞風雨釣漁磯

寄右省王諫議

耳邊要靜不得靜心裏欲閒終未閒自是宿緣應有
累可能時事更相關魚慚張翰辭東府鶴怨周顛負
北山看却金庭芝术老又驅車入七人班

寄鄭補闕

夫子門前數仞牆每經過處憶遊梁路從青瑣無因
見恩在丹心不可忘未必便爲讒口隔只應貪草諫
書忙別來愁緒知多少兩度槐花馬上黃

寄楊秘書

潮水平來見鯉魚偶因烹處得瓊琚披尋藻思千重
後吟想冰光萬里餘漳浦病來情轉薄赤城吟苦意
何如錦衣公子憐君在十載兵戈從板輿

其二

蕭蕭簷雪打窓聲因憶江東阮步兵兩信海潮書不
達數峯稽嶺眼長明梅繁幾處垂鞭看酒好何人倚
檻傾會待與君開社瓮滿船載月鏡中行

湖州裴郎中赴闕後投寄簡友生

錦帳郎官捧詔年汀洲曾駐木蘭船
襴衡酒醒春瓶倒柳惺詩成海月圓
歌蹙遠山珠滴滴漏催香燭淚
漣漣使君入拜吾徒在宣室他時豈偶然

寄京闕陸郎中昆仲

柏臺蘭署四周旋賓榻何妨鴈影連
纔見玳簪欵細柳便知油幕勝紅蓮
家從入洛聲名大跡爲依劉事
分偏爭奈亂離人漸少麥城新賦許誰傳

冬暮寄裴郎中

曉髮星星入鏡宜早年容易近年悲
敢言得事時將晚只恐酬恩日漸遲
南國傾心應望速東堂開口欲

從誰仙郎舊有黃金約瀝膽隳肝更禱祈

寄前戶部陸郎中

出馴桑雉入朝簪瀟灑清名暎士林
近日篇章欺白雪早年詞賦得黃金
桂堂縱道探龍領蘭省何曾駐
鶴心罹亂事多人不會酒濃花暖且閒吟

寄池州鄭員外

獸遶朱輪酒滿船使君瀟灑貴池邊
衣同萊子曾分筆扇似袁宏別有天
九點好山樓上客兩行高柳雨中烟
陵陽百姓將何福祉舞村歌又一年

寄三衢孫員外

小敷文伯見何時南望三衢渴復饑
天子未能崇典

羅明誠集卷之三
詰諸生徒欲戀旌旗風高綠野苗千頃露冷平樓酒
滿卮盡是數旬陪奉處使君爭肯不相思

春日憶湖南舊遊寄盧校書

旅榜前年過洞庭曾提刀筆事甘寧玳筵離隔將軍
幕珠履頻窺處士星恩重匣中孤劍在夢餘江上數
峯青金貂見鵬嘉賓散迴首昭丘一淚零

暇日有寄姑蘇曹使君兼呈張郎中郡中賓僚

嘉樹陰陰覆劔池此中能政動神祇湖邊觀稼雨迎
馬城外犒軍風滿旗融酒徒誇無算爵儉蓮還少最
高枝珊瑚筆架真珠履曾和陳王幾首詩

秋日有寄姑蘇曹使君

多病無因棹小舟闔閭城下謁名侯水寒不見雙魚
信風便惟聞五袴謳早說用兵長暗合近傳觀稼亦
閒游須知謝奕依前醉間阻清談又一秋

寄進士盧休

半年池口恨萍蓬今日思量已夢中遊子馬蹄難重
到故人樽酒與誰同山橫翠後千層綠蠟想歌時一
燼紅從此客程君不見麥秋梅雨遍江東

秋夜寄進士顧榮

秋河耿耿夜沉沉往事三更盡到心多病謾勞窺聖
代薄才終是費知音家山夢後帆千尺塵土搔來髮
一簪空羨良朋盡高價可憐東箭與南金

羅耶詩集卷之三
寄黔中王從事

故人刀筆事軍書南轉黔江半月餘別後鄉關情幾
許近來詩酒興何如貪將醉袖矜鷲谷不把瑤絨附
鯉魚今日舉觴君莫問生涯牢落鬢蕭疎

寄渭北徐從事

暖雲慵墮柳垂條驄馬徐郎過渭橋官秩舊參荀秘
監尊壘今伴霍嫖姚科隨鵠箭頻曾中禮向侯弓以
重招莫恨東風促行李不多時節却歸朝

寄喬逸人

南經湘水北揚州別後風帆幾度遊春酒誰家禁爛
熳野花何處最淹留欲憑尺素邊鴻懶未定雕梁海

驚愁長短此行須入手更饒君占一年秋

寄南城韋逸人

杜甫詩中韋曲花至今無懶尚家家美人曉折露沾
袖公子醉歸香滿車萬里丹青傳不得二年風雨恨
無涯羨他南澗高眠客春去春來任物華

秋日禪智寺見裴郎中題名寄韋瞻

野寺疎鐘萬木秋偶尋題處認名侯官離南郡應閒
暇地勝東山想駐留百盞濃醪成別夢兩行垂露浣
羈愁心知只有韋公在更對真蹤話舊遊

寄韋瞻

石城簑笠阻心期落盡山花有所思羸馬二年蓬轉

後故人何處月明時風催曉燕看看別雨脇秋蠅漸
漸癡禪智闌干橋市酒縱然相見只相悲

寄崔慶孫

故人何處又留連月冷風高鏡水邊文陣解圍纔昨
日醉鄉分袂已三年交情澹薄應長在俗態流離且
勉旃還擬山陰一乘興雪寒難得渡江船

寄徐濟進士

往年疎懶共江湖月滿花香記得無霜壓楚蓮秋後
折雨催蠻酒夜深沾紅塵偶別迷前事丹桂相輕愧
後圖出得函關抽得手從來不及阮元瑜

下第寄張坤

謾費精神掉五侯破琴孤劍是身讐九衢雙闕擬何
去玉壘銅梁空舊遊蝴蝶有情牽晚夢杜鵑無賴伴
春愁思量不及張公子經歲山池醉酒樓

吳門晚泊寄句曲道友

採香徑在人不留採香徑下停葉舟桃花李花鬪紅
白山鳥水鳥自獻酬十萬梅銷空寸土三分孫策竟
荒丘未知到了關身否笑殺雷平許遠遊

湖上歲暮感懷寄友人

雪天螢席幾辛勤同志當時四五人蘭版地寒俱受
露桂堂風惡獨傷春音書久絕應埋玉編簡難言竟
委塵惟有廣都龐令在白頭樽酒憶交親

秋晚寄友人

洞庭霜落水雲秋又泛輕漣任去留世界高談今已
得宦途清貴舊曾遊手中綵筆誇題鳳天上泥封獎
狎鷗更見南來釣翁說醉吟還上木蘭舟

旅舍書懷寄所知

思量前事不堪尋牢落餘情滿素琴四海豈無騰躍
路一家長有別離心道從汨沒其雌伏跡恐因循更
陸沉寂寞誰應弔空館異鄉時節獨沾巾

秋日有寄

丹青未合便回頭見盡人間事始休只有百神朝寶
鏡永無纖浪犯虛舟曾臨鐵甕雖分職近得金陵亦

偶遊東去西來人不會上卿蹤跡本玄洲

夜泊毘陵無錫縣有寄

草蟲幽咽樹初團獨繫孤舟夜已闌濁浪勢奔吳苑
急疎鐘聲出慧山寒愁催鬢髮凋何易貧戀家鄉別
漸難他日親朋應大笑始知書劍是無端

江邊有寄

江邊舊業半凋殘每軫歸心卽萬端狂折野梅山店
暖醉聽村笛酒樓寒只言聖代謀身易爭奈貧儒得
路難同病同憂更何事爲君提筆畫漁竿

寄西華黃鍊師

西華有路入中華依約山川認永嘉羽客昔時留篠

蘇軾詩集 卷之三
三
蕩故人今又種煙霞壇高已降三清鶴海近應通八月槎盛事兩般君總得老萊衣服戴顛家

寄第五尊師

茗溪煙月久因循野鶴衣裘獨蠶綸只說泊船無定處不知携手是何人朱黃揀日囚尸鬼青白臨時注腦神欲訪先生問經訣世間難得自由身

寄處默師

甘露捲簾看雨脚樟亭倚柱望潮頭十年顧我醉中過兩地與師方外遊久隔兵戈長寄夢近無書信更堪憂香爐煙靄虎溪月終棹鐵船尋惠休

寄程尊師

鶴信雖然到五湖煙波迢遞路崎嶇玉書分薄花生眼金鼎功遲雪滿鬚三秀紫芝勞夢寐一番紅槿恨朝晡未知朽敗凡間骨中授先生指教無

寄無相禪師

老住西峯第幾層爲師迴首憶南能有緣有相應非佛無我無人始是僧爛椹作袍名復利鑠金爲講愛兼憎何如一衲塵埃外日日香煙夜夜燈

卽事中元甲子

三秦流血已成川塞上黃雲戰馬閒只有羸兵填渭水終無奇士出商山田園已沒紅塵內弟姪相逢白刃間惆悵翠華猶未返淚痕空滴劔文斑

中元甲子以辛丑駕幸蜀

四首

子儀不起渾瑊亡西幸誰人從武皇四海爲家雖未
遠九州多事竟難防已聞盱食思真將會待畋游致
假王應感兩朝巡狩跡綠槐端正驛荒涼

其二

爪牙柱石兩俱銷一點渝塵九土搖敢恨甲兵爲棄
物所嗟流品誤清朝幾時睿算殲張角有處愚人載
隗囂跪望峻山重啓告可能餘烈不勝妖

其三

邪氣奔屯瑞氣移清平過盡到艱危縱饒犬彘迷常
理不奈豺狼幸此時九廟有靈思李令三川悲憶恨

張儀可憐一曲還京樂重對紅蕉教蜀兒

其四

白丁攘臂犯長安翠輦蒼黃路屈盤丹鳳有情塵外
遠玉龍無跡渡頭寒靜憐貴族謀身易危惜文王創
業難不將不侯何計是釣魚船上淚闌干

重過隨州故兵部李侍郎恩知因抒長句

莊周高論伯牙琴閒夜思量淚滿襟四海共誰言近
事九原從此負初心鷗翻漢浦風波急鴈下鄖溪霧
雨深慚愧蒼生還有意解歌襦袴到如今

隱常在江陵忝故中令白公叨蒙知遇今復重

過渚宮感事悲身遂成長句

往歲鄮侯鎮渚宮曾將清律暖孤蓬才憐曼倩三冬
後執許由基一箭中言重不能轉薄命地寒終是立
春風鳳凰也合台星折迴首岐山憶至公

故洛陽公鎮大梁時隱得遊門下今之經歷事
往人非聊抒所懷以傷以謝

孤舟欲泊思何窮曾憶西來值雪中朱履少年初滿
座白衣遊子也從公狂拋賦筆瑠璃冷醉倚歌筵玳
瑁紅今日斯文向誰說淚碑棠樹兩成空

西上

西上青雲未有期東浮滄海去何遲酒闌夢覺不稱
意花落月明空所思長恐老侵多病日可堪忙過少

年時鬪雞走狗五陵道惆悵輸他輕薄兒

西京道中

半夜秋聲觸斷蓬百年身事算成空
禰生詞賦拋江夏漢祖精神憶沛中
未必他時能富貴只應從此見窮通
禽隴水休相笑自有滄洲一棹風

途中寄懷

不知何處是前程合掌騰騰信馬行
兩鬢已衰時未遇數峯雖在病相嬰
塵埃鞏洛虛光景詩酒江湖謾姓名
試哭軍門看誰問舊來還似禰先生

東歸途中作

松橋蒼黃覆釣磯早年生計近相違
老知風月終堪

恨貧覺家山不易歸別岸客帆和鴈落晚程霜葉向
人飛買臣嚴助精靈在應笑無成一布衣

東歸

仙桂高高似有神貂裘敝盡取無因只將白髮期公
道不覺丹枝屬別人雙闕往來慙請謁五湖歸後耻
交親盈盤紫蟹千卮酒添得臨岐淚滿巾

北邙山

一種山前路入秦嵩山堪愛此傷神魏明未死虛留
意莊叟雖生酌滿巾何必更尋無主骨也知曾有弄
權人羨他緱嶺吹簫客閒傍雲頭看俗塵

西塞山

在武昌界孫吳以之爲西塞

吳塞當時指此山吳都亡後水孱顏嶺梅乍暖殘粧
恨沙鳥初晴小隊閒波濶魚龍應混雜壁危猿狖正
驕頑會將一副寒簑笠來與漁翁作往還

江州望廬山

東南蒼翠何崔巍一望橫流幽抱開影寒已令水底
去脚濶欲過湖心來深處不唯容鬼怪暗中兼恐有
風雷仙人往往今誰在紅杏花香首重回

黃河

莫把阿膠向此傾此中天意固難明解通銀漢應須
曲纔出崑崙便不清高祖誓功衣帶小仙人占斗客
槎輕三千年後知誰在何必勞君報太平

汴河

當時天子是閒游今日行人特地愁
柳色縱饒粧故國水聲何忍到揚州
乾坤有意終難會黎庶無情豈自由
應笑秦皇用心錯謾驅神鬼海東頭

皇陂

皇陂瀲灩深復深陂西下馬聊登臨
垂楊風輕弄翠帶鯉魚日暖跳黃金
三月窮途無勝事十年流水見歸心
輸他谷口鄭夫子偷得閒名直至今

江都

淮王高宴動江都曾憶狂生亦坐隅
九里樓臺牽翡翠兩行鷓鴣踏真珠
歌聽麗句秦雲咽詩轉新題蜀

錦鋪惆悵晉陽星折後世間兵革地荒蕪

金陵夜泊

冷煙輕靄傍衰藂此夕秦淮駐斷蓬
棲鳥遠驚沾酒火亂鷗高避落帆風
地銷王氣波聲急山帶秋陰樹影空
六代精靈人不見思量應在月明中

中元夜泊淮口

木葉迴飄水面平偶停孤棹已三更
秋涼霧露侵燈下夜靜魚龍逼岸行
欹枕正牽題柱思隔樓誰轉遶梁聲
錦帆天子歸魂魄應過揚州看月明

渚宮愁思

楚城日莫煙靄深楚人駐馬還登臨
襄王臺下水無

羅明詩集 卷之三
三
潁神女廟前雲有心千載是非難重問一江風雨好
閒吟欲招屈宋當時魄蘭萎荷枯不可尋

春日葉秀才曲江

江花江草暖相偎也向江頭把酒杯春色惱人遮不
得別愁如瘧避還來安排賤跡無良策禪補明時望
重才一曲吳歌齊拍手十年塵眼未曾開

曲江春感

江頭日暖花又開江東行客心悠哉高陽酒徒半凋
落終南山色空崔巍聖代也知無棄物侯門未必用
非才滿船明月一竿竹家住五湖歸去來

漢江上作

漢江波浪綠于苔每到江頭病眼開半雨半風終日
恨無名無跡幾時迴雲生岸谷秋陰合樹接帆牆晚
思來對此空慙明聖代忍教纓上有塵埃

遊江夏口

醉別江東酒一杯往年曾此駐塵埃魚聽建業歌聲
過水看瞿塘雪影來黃祖不能容賤客費禕終是負
仙才平生膽氣平生恨今日江邊首懶迴

官池秋夕

池邊月影閒婆娑池上醉來成短歌芙蓉抵死怨珠
露蟋蟀苦口嫌金波往事向人言不得舊遊臨老恨
空多松醪作酒蘭爲棹十載煙塵奈爾何

貴池曉望

稂莠參天剪未平且乘孤棹且行行計疎狡兔無三窟羈甚賓鴻欲一生合眼亦知非本意傷心其奈是多情前溪好泊誰為主昨夜沙禽占月明

村橋

村橋酒旆月明樓偶逐漁舟繫葉舟莫學魯人疑海鳥須知莊叟惡犧牛心寒已分灰無焰事往曾將水共流除却思量太平在肯拋疎散換公侯

水邊

野水無情去不回水邊花好為誰開祇知事逐眼前過不覺老從頭上來窮似丘軻休歎息達如周召亦

塵埃思量此理何人會蒙邑先生最有才

潮

怒聲洶洶勢悠悠羅刹江邊地欲浮謾道往來存大信也知翻覆向平流任拋巨浸疑無底猛過西陵似有頭至竟朝昏誰主掌好騎赤鯉問陽侯

塞外

塞外偷兒塞內兵聖君宵旰望昇平碧幢未作朝廷計白挺猶驅婦女行可使禦戎無上策只應憂國是虛聲漢皇第宅秦田土今日將軍已自榮

廣陵春日憶池陽有寄

煙水濛濛接板橋數年經歷駐征橈醉凭危檻波千

項愁倚長亭柳萬條別後故人冠獬豸病來知己賞
鷓鴣清流夾宅千家住會待閒乘一信潮

憶夏口

漢陽渡口蘭爲舟漢陽城下多酒樓當年不得盡一
醉別夢有時還重遊襟帶可憐吞塞鴈風煙好是冷
江鷗月明更想曾行處吹笛橋邊木葉秋

憶九華

九華巉崒廕柴扉長憶前時此息機黃菊倚風村酒
熟綠蒲低雨釣魚歸干戈已是三年別塵土那堪萬
事違回首佳期恨多少夜闌霜露又沾衣

金陵思古

杜秋在時花解言杜秋死後花更繁柔姿曼態葬何
處天紅膩白愁荒原高洞紫簫吹夢想小窻殘雨濕
精魂綺筵金縷無消息一陣征帆過海門

湘南春日懷古

晴江春暖蘭蕙薰鳧鷖苒苒鷗著羣洛陽買誼自無
命少陵杜甫兼有文空濶遠帆遮落日蒼茫密樹礙
歸雲松醪酒好昭潭靜閒過中流一弔君

臺城

晚雲陰映下空城六代纍纍夕照明玉井已乾龍不
起金甌雖破虎曾爭亦知霸世才難得却是蒙塵事
最平深谷作陵山作海茂弘流輩莫傷情

同前

潮平遠岸草浸沙東晉衰來最可嗟庾舅已能窺帝
室王郎還是御人家山寒老樹啼風雨泉煖枯骸動
齒牙欲起九原看一遍秦淮聲急日西斜

春日登上元石頭故城

萬里傷心極目春東南王氣只逡巡野花相笑落滿
地山鳥自憐啼傍人謾道城池須險阻可知豪傑亦
埃塵太平寺主惟輕薄却把三公與賊臣

維城作

大鹵旌旗出洛濱此中煙月已埃塵更無樓閣尋行
處只有山川識野人早得鑄金誇范蠡旋聞垂釣哭

平津舊遊難得時難遇回首空城百草春

經過洛陽城

敗垣危堞跡依稀試駐羸驂弔落暉跋扈已成梁冀
在簡書難問杜喬歸由來世事須翻覆未必餘材解
是非千載昆陽好功業與君門下作恩威

自湘川東下立春泊口阻風登孫權城

吳門此去逾千里湘浦離來想數旬只見風師長占
路不知青帝已行春危憐壞堞猶遮水狂愛寒梅欲
傍人事往時移何足問且憑村酒暖精神

登夏州城樓

寒聲獵獵戍旗風獨倚危欄悵望中萬里山河唐土

地千年魂魄晉英雄離心不忍聽邊馬往事應須問
塞鴻好脫儒冠從校尉一枝長戟六鈞弓

過廢江寧縣

縣前水色細鱗鱗一爲夫君弔水濱謾把文章矜後
代可知榮貴是他人鷲偷舊韻還成曲草賴餘吟盡
解春我亦有心無處說等閒停棹似迷津

武牢關

楚人曾此限封疆不見清陰六里長一壑暮聲何怨
望數峯秋勢自顛狂由來四皓須神伏大底秦皇謾
氣強欲學雞鳴試關吏太平時節懶思量

籌筆驛

拋擲南陽爲主憂北征東討盡良籌時來天地雖同
力運去英雄不自由千里山河輕孺子兩朝冠劍恨
譙周惟餘巖下多情水猶解年年傍驛流

黃鶴驛偶題

野雲芳草遶籬邊敢對青樓倚少年秋色來催榆塞
鴈人心先下洞庭船高歌酒市非狂者大嚼屠門亦
偶然車馬同歸莫同恨古人頭白盡林泉

蓮塘驛

蓮塘館東初日明蓮塘館西行人行隔林啼鳥似相
應當路好花疑有情一夢不須追往事數杯猶可慰
勞生莫言來去只如此君看鬢邊霜幾莖

商驛樓東望有感

山川去接漢江東曾伴隋侯醉此中歌遶夜梁珠宛
轉舞嬌春席雪朦朧棠遺善政陰猶在薤送哀聲事
已空惆悵知音竟難得兩行清淚白楊風

定遠樓

前朝上將定妖氛曾築嚴城駐大軍近日關防雖弛
柝舊時欄檻尚侵雲蠻兵績盛人皆伏坐石名高世
共聞惟恐亂來良吏少不知誰解敘功勲

淮南高駢所造迎仙樓

鸞音鶴信杳難迴鳳駕龍車早晚來仙境是誰知處
所人間空自造樓臺雲侵朱檻應難到蟲網閒窓永

不開仔細思量成底事露凝風擺作塵埃

登宛陵條風樓寄竇常侍

亂離時節懶登臨試借條風半日吟只有遠山含煖
律不知高閣動歸心溪喧晚棹千聲浪雲護寒郊數
丈陰自笑疎慵似麋鹿也教臺上費黃金

錢塘府亭

新恩別啓館娃宮還拜吳王向此中九牧土田周制
在兩藩茅社漢儀同春生舊苑芳洲雨香入高臺小
徑風更有寵光人未見問安調膳盡三公

關亭春望

關畔春雲拂馬頭馬前春事共悠悠風欺岸柳長條

困露浥山花小朵愁信越功名高似狗裴王氣力大
于牛未知至竟將何用渭水涇川一向流

于越亭

楚水蕭蕭多病身強凭危檻過殘春高城自有陵兼
谷流水那知越與秦岸下藤蘿陰作怪橋邊蛟蜃夜
欺人琵琶洲遠江村濶迴首征途淚滿巾

宿荊州江陵館

西游象闕愧知音東下荆溪稱越吟風動芰荷香四
散月明樓閣影相侵閒欹別枕千般夢醉送征帆萬
里心薜荔衣裳木蘭檝異時煙雨好追尋

河中經過翰林張舍人舊居

行塵不是昔時塵謾向朱門憶侍臣一榻已無開眼
處九泉應有愛才人文餘吐鳳當年詔樹想棲鸞舊
日春從此恩深轉難報夕陽衰草淚沾巾

九華山費徵君所居

草堂何處試徘徊見說遺蹤向此開蟾樹自歸三徑
後鶴書曾降九天來白雲事跡依然在青瑣光陰竟
不迴盡日爲君思曩昔野泉鳴咽路莓苔

題袁溪張逸人所居

蒲梢獵獵鷺差池數里溪光日落時芳樹文君機上
錦遠山孫壽鏡中眉雞窠夜靜開書卷魚檻春深展
釣絲若使浮名拘絆得世間何處有男兒

清溪江令公宅

鸞牋象管夜深時曾賦陳宮第一詩
讌罷風流人不見廢來蹤跡草應知
鶯憐勝事啼空巷蝶戀餘香舞好枝
還有往年金甃井牧童樵叟等閒窺

岐王宅

朱邸平臺隔禁闈貴遊陳跡尚依稀
雲低雍時祈年去雨細長楊從獵歸
申白賓朋傳道義應劉文彩寄音徽
承平舊物惟君在猶寫雕鞍伴六飛

西京崇德里居

進乏梯媒退又難強隨豪貴殫長安
風從昨夜吹銀漢淚擬何門落玉盤
拋擲紅塵應有恨思量仙桂也

無端錦鱗頰尾平生事却被閒人把釣竿

西京道德里

秦樹團團夕結陰此中莊鳥動悲吟
一枝丹桂未入手萬里滄波長負心
老去漸知時態薄愁來惟願酒杯深
七雄三傑今何在休爲閒人淚滿巾

謁文宣王廟

晚來乘輿謁先師松柏淒淒人不知
九仞蕭牆堆瓦礫三間茅殿走狐狸
雨霖狀似悲麟泣露滴還同嘆鳳悲
倘使小儒名麤立豈教吾道受棲遲

代文宣王答

三教之中儒最尊止戈爲武武尊文
吾今尚自披箕

笠爾等何須讀典墳釋氏寶樓侵碧漢道家宮殿拂
青雲若教顏閔英靈在終不羞他李老君

后土廟

四海兵戈尚未寧漫勞淮海寫儀形九天玄女猶無
聖后土夫人豈有靈一帶好雲侵鬢綠兩層危岫拂
眉青韋郎年少知何在案上休看太白經

湘妃廟

劉表荒碑斷水濱廟前幽草閉殘春已將怨淚流斑
竹又感悲風入白蘋八族未來誰北拱四凶猶在莫
南巡九峯相似堪疑處望見蒼梧不見人

息夫人廟

百雉摧殘連野青廟前猶見昔朝廷一生雖抱楚王
恨千載終爲息地靈蟲網翠鬟終縹緲風吹寶瑟助
微冥玉顏渾似羞來客依舊無言照畫屏

春日獨遊禪智寺

遠樹連天水接空幾年行樂舊隋宮
花開花謝長如此人去人來自不同
鸞鳳調高何處酒吳牛蹄健滿車風
思量只合騰騰醉煮海平陳盡夢中

揚州開元寺閣上

滿檻山川漾落暉檻前前事去如飛
雲中雞犬劉安過月裏笙歌煬帝歸
江蹙海門帆散出地吞淮口樹相依
紅樓翠幕知多少長向東風有是非

羅明詩集卷之三
登瓦棺寺閣

下盤空跡上雲浮偶逐僧行步步愁暫憇已知須用意漸危爭忍不回頭煙中樹老重江晚鐸外風輕四境秋懶指臺城更東望鵲飛龍鬪盡荒丘

春日湘中題嶽麓寺僧舍

蟾宮虎穴兩皆休來凭危欄送遠愁多事林鶯還謾語薄情邊鴈不迴頭春融只待乾坤醉水濶深知世界浮欲共高僧話心跡野花荒草奈相尤

甘露寺火後

六朝勝事已塵埃猶有閒人悵望來只道鬼神能護物不知龍象自成灰犀慙水府渾非怪燕說吳宮未

是災還識平泉故侯否一生蹤跡此樓臺

秦望山僧舍

巉巖危岫倚滄洲聞說秦皇亦此游霸主卷衣纔二世老僧傳錫已千秋陰崖水賴松根直蘚壁苔侵畫像愁各是病來俱未了莫將煩惱問湯休

第五將軍於餘杭天柱觀入道因寄

交梨火棗味何如聞說茗川已卜居瓦榼尚携京口酒草堂應寫潁陽書亦知得意須乘鶴未必忘機便釣魚却恐武皇還望祀軟輪徵入問玄虛

瓊華觀經故友所居

槐花漠漠向人黃此地追遊跡已荒清論不知蒙叟

達死交空嘆趙岐亡病來未忍言閒事老去唯應覓
醉鄉日暮街頭策羸馬一聲橫笛似山陽

題潤州妙善前石羊

傳云吳主孫權與蜀主劉備嘗此置會

紫髯桑蓋此沉吟琅石猶存事可尋漢鼎未安聊把
手楚醪雖滿肯同心英雄已往時難問苔蘚何知日
漸深還有市鄺沽酒客鵲喧鳩聚話蹄涔

題木居士廟

烏噪殘陽草滿庭此中枯木似人形只應神物長爲
主未必浮槎卽有靈八月風波飄不去四時黍稷薦
惟馨南朝庾信無因賦牢落祠前水氣腥

漂母墳

寂寂荒墳一水濱蘆洲絕島自相親青蛾已落淮邊
月白骨甘爲泉下塵原上荻花飄素髮道旁菰葉碎
羅巾雖然寂寞千秋魄猶是韓侯舊主人

經耒陽杜工部墓

紫菊馨香覆楚醪奠君江畔雨蕭騷旅魂自是才相
累閒骨何妨塚更高駮驥喪來輕蹇蹶芝蘭衰後長
蓬蒿屈原宋玉憐君處幾駕青螭緩鬱陶

三衢哭孫員外

燕戀雕梁馬戀軒此心從此更何言直將塵外三生
命未敵君侯一日恩紅蠟有時還入夢片帆何處獨
銷魂忍看明發衣襟上珠淚痕中見酒痕

重過三衢哭孫員外

爛柯山下忍重到雙桂樓前日欲殘華屋未移春照
灼故侯何在淚汎瀾不惟濟物工夫大長憶容才尺
度寬一慟旁人莫相笑知音衰盡路行難

覽晉史

張翰思吳中
鱸膾蓴羹

齊王僚屬好男兒偶覓東歸便得歸滿目路岐拋似
夢一船風雨去如飛盤擎紫線蓴初熟筋撥紅絲膾
正肥惆悵中途無限事與君千載兩忘機

詠史

蠹簡遺編試一尋寂寥前事似如今徐陵筆硯珊瑚
架趙勝賓朋玳瑁簪未必片言資國計只應邪說動

人心九原郝泚何由起虛誤西蕃八尺金

廣陵秋夜讀進士常修三篇因題

入蜀歸吳三首詩藏于篋笥重於師劔關夜讀相如
聽爪步秋吟煬帝悲景物也知翰健筆時情誰不許
高枝明年二月春風裏江島閒人慰所思

篋中得故王郎中書

鳳里前年別望郎叮嚀惟恐滯吳鄉勸疎杯酒知妨
事乞與書題作裹糧萃鹿未能移海曲縣花尋已落
河陽九原自此無因見反覆遺蹤淚萬行

往年進士趙能卿嘗話金庭勝事見示敘

會稽詩客趙能卿往歲相逢話石城正恨故人無上

壽喜聞良宰有高情山朝佐命層層聳水接飛流步
步清兩火一刀罹亂後會須乘興雪中行

月

湖上風高動白蘋暫延清景此逡巡隔年爲別因何
事半夜相看似故人蟾向靜中矜爪距兔俚明處弄
精神姮娥老大應惆悵獨倚蒼蒼挂一輪

雪

細玉羅紋下碧霄杜門顏巷落偏饒巢居只恐高柯
折旅客愁聞去路遙擻凍野蔬和粉重掃庭松葉帶
蘇燒寒窓呵筆尋詩句一片飛來紙上銷

潤州甘露寺看雪上周相公

篩寒灑白亂溟濛祈禱功兼造化功光薄乍迷京口
月影交初轉海門風細粘謝客衣襟上輕墮梁王酒
盞中一種爲祥君看取半禳災沴半年豐

長明燈

破暗長明世代深煙和香氣兩沉沉不知初點人何
在祇見當年火至今曉似紅蓮開沼面夜如寒月鎮
潭心孤光自有龍神護雀戲蛾飛不敢侵

桃花

暖觸衣襟漠漠香間梅遮柳不勝芳數枝艷拂文君
酒半里紅欹宋玉牆盡日無人疑悵望有時經雨乍
淒涼舊山山下還如此迴首東風一斷腸

梅花

吳王醉處十餘里照野拂衣今正繁經雨不隨山鳥
散倚風疑共路人言愁憐粉艷飄歌席靜愛寒香撲
酒樽欲寄所思無好信爲君惆悵又黃昏

詠白菊

雖被風霜競欲摧皎然顏色不低頽已疑素手能粧
出又似金錢未染來香散自宜飄綠酒葉交仍得蔭
蒼苔尋思閉戶中宵見應認寒窓雪一堆

牡丹

似共東風別有因絳羅高捲不勝春若教解語應傾
國任是無情亦動人芍藥與君爲近侍芙蓉何處避

芳塵可憐韓令功成後辜負穠華過此身

其二

虛白堂前牡丹相傳
云太傅手植在錢塘

欲詢往事奈無言六十年來此託根香煖幾飄袁虎
扇格高長對孔融樽曾憂世亂陰難合且喜春殘色
尚存莫背欄干便相笑與君俱受主人恩

扇上畫牡丹

爲愛紅芳滿砌階教人扇上畫將來葉隨綵筆參差
長花逐輕風次第開閒挂幾層停蛺蝶頻搖不怕落
莓苔根生無地如仙桂疑是嫦娥月裏栽

詠繡

一片綠羅輕似水洞房西室女工勞花隨玉指添春

色鳥逐金鍼長羽毛蜀錦漫誇聲自貴越綾虛說價
猶高可中用作鴛鴦被紅葉枝枝不礙刀

言

珪玷由來尚可磨似簧終日復如何成名成事皆因
慎亡國亡家只爲多須信禍胎生利口莫將譏思逞
懸河猩猩鸚鵡無端解長向人間被網羅

尚書姑蘇城南湖陪曹使君遊

水蓼花紅稻穗黃使君蘭棹汎迴塘倚風荇藻先開
路迎旆鳧鷖盡著行手裏兵符神與術腰間金印綵
爲囊少年太守勳庸盛應笑燕臺兩鬢霜

送章碣赴舉

萃鹿歌終別酒催粉闌星彩動昭回久經離亂心應
破乍覩昇平眼漸開顧我昔年悲玉石憐君今日蘊
風雷龍門盛事無因見費盡黃金老隗臺

上江州陳員外

寒江九派轉城樓東下鍾陵第一州人自中臺方貴
盛地從西晉卽風流舊班久望鸚睛翥餘力猶聞虎
夜浮應恨屬官無健令異時佳節阻閒遊

早春巴陵道中

遠雪亭亭望未銷岳陽春淺似相饒短蘆冒土初生
筍高柳偷風已弄條波汎洞庭獺獺健谷連荆楚鬼
神妖中流菱唱泊何處一隻畫船蘭作橈

羅昭詩集卷之三
登高詠菊盡

籬畔霜前偶得存，苦教遲晚避蘭蓀。
能銷造化幾多力，不受陽和一點恩。
生處豈容依玉砌，要時還許上金樽。
陶公沒後無知己，露滴幽叢見淚痕。

淮南送盧端公歸臺

鸞鳳勢逸九霄寬，北去南來任羽翰。
朱紱兩驂王儉府，繡衣三領杜林官。
道從上國曾匡濟，才向牢盆始重難。
應笑張綱謾生事，埋輪不得在長安。

暇日感懷因寄同院吳蛻拾遺

璧池清秩訪燕臺，曾捧瀛洲札翰來。
今日二難俱大夜，當時三幅謾高才。
戲悲槐市便便笥，狂憶樟亭滿

滿杯猶幸小蘭同，舍在每因相見卽銜哀。

安陸贈徐礪

靈虵橋下水聲聲，曾向橋邊話別情。
一榻偶依陳太守，二年深憶禰先生。
塵欺鬢色非前事，火蕪蓬根有去程。
還把餘杯重相勸，不堪秋色背鄖城。

送劉校書之新安寄吳常侍

野雲如火照行塵，會績溪邊去問津。
才子省銜非末客，楚君科第是同人。
狂思下國千場醉，病負東堂兩度春。
他日酒筵應見問，鹿裘漁艇隔朱輪。

重九日廣陵道中

秋山抱病何處登，前時韋曲今廣陵。
廣陵大醉不解

羅昭諫集卷之三
悶韋曲舊遊堪拊膺佳節縱饒隨分過流年無奈得
人憎却驅羸馬向前去牢落路岐非所能

粉

每持纖白助君時霜自無慘雪自疑郎若姓何應解
傅女能窺宋不勞施粧成麗色唯花妒落盡啼痕只
鏡知最好玉京僊署裏更和秋月照瓊枝

晚眺

凭古城邊眺晚晴遠村高樹轉分明天如鏡面都來
淨地似人心總不平雲向嶺頭閒不徹水流溪裏太
忙生誰人得及莊居老免被榮枯寵辱驚

野花

萬點紅芳血色殷爲無名字對空山多因戲蝶尋香
住少有行人掇枝攀若在侯門看不足爲生江岸見
如閒結根畢竟輸桃李長向春城紫陌間

